

# Akinafarir Hibrun Gumamaziba Bagha Zuim O Hibru Akar faragha zuim

Judabar marazi faragha uan navibagh iragha Kraisin gin zui, egha datirighin uan nighnizir gavgavim ataghiraghasava ami. Kamaghin, akinafarir kam gumazir mam o amizir mam me bagha an osiri. E fozir pu, tinaram an osiri, akinafarimin aven gumazim o amizim uan ziam diborozir puvati. Marazi ghaze, Pol, o Barnabas, o Apolos, o Prisila, men tav ti an osiri.

Gumazir maba Kraisin gin zuir gumamaziba dikabira egha osimtiziba me ganidi. Akinafarir kam men nighnizir gavgaviba gavgavim dar aningasa, kamaghin amizi, a ingangarir ekier God Krai Iesusin aven amizim, gun me migei. Kraisra guizbangin Godin arazim en akakasi.

Ezi akinafarir kam bizir ekier pumuning ko mikezim migei. 1. Iesus a guizbangira Godin Otarim. Dughiar Iesus nguazimin itim, an osimtizir aviriba ko mizaziba ini. Ezi arazir kamın God Iesus gamizi, a gumamazibar akurvaghamin faragha zuir gumazimin oto. (2:10) Egha Iesus akam inigha izir gumazir fomira itiba ko enselba ko Moses gafira. 2. God uabi Iesus amisevezi a ofa gamir gumazimin iki mamaghira ikiam, egha a Judabar ofa gamir gumazibagh afira. 3. Iesus a Godin Nguibamin Ofa Gamir

Gumazibar Dapanimın iti. Egh gumazamizir niĝnizir gavgavim an itiba, a ua me iniam. Moses Osirizir Araziba, God bagha ofa gamir arazibar gun migei, da pura Iesus amizir ingangarir ekıar kamın nedaziba.

Akınafarir kam gumamazibar niĝnizir gavgavim, gavgavim dar anıngasa. Kamaghın amizi, a Israelian gumazamizir fomıra itibar niĝnizir bar gavgavimın akaba iti (sapta 11). A ghaze, marki, osımtizir manam me bato, me uan niĝnizir gavgavimın suiraghvıra iki mangıva ovengegh. Me Iesusın gan an arazibar ĝın mangı, egh osımtıziba ko mızazir me isiba batogh.

## **Jesus, a enselbagh afıra**

*(Sapta 1--2)*

*God e mıkmıasa uan akam isa uan Otarım ganıngi*

<sup>1</sup> Fomıra God dughiar avırıba ko tuavir avırıbar uan akam isa an akam inıgha izir gumazıbagh anıngizi, me en inazir afeziabav keme. <sup>2</sup> Ezi datırıghın dughiar kam, kar dughiar abuanan-aba, God e mıkmıasa uan akam isa uan Otarım ganıngi. God bizıba bar da iniasava Otarır kam amısefe. Otarır kamın agharımın, God fomıra overıam ko nguazımın ingari. <sup>3</sup> Ezi Otarır kamra Godın angazangarım en akagha ghaze, God a bar dera. Egha uaghan a Godın mırrara gari. An

---

**1:2:** Sng 2:8, Jo 1:3, Ef 1:10    **1:2:** Onger Akaba 2:8; Jon 1:3; Efesus 1:10    **1:3:** Ap 2:33-34, 2 Ko 4:4, Kl 1:15-17, 1:20, Hi 8:1, MAA 4:11

**1:3:** Aposel 2:33-34; 2 Korin 4:4; Kolosi 1:15-17; 1:20; Hibru 8:1; Akar Mogomem 4:11

akam bar gavgafi, egha akar kamra a bar biz-ibagh amima, da gavgavighavira iti. Egha an arazir kuraba gin amadir ingangarim agivagha, gumazamizibagh amima me zuegha iti. Egha a gin Godin Nguibamin ghuavanabogha Pin Tir Atrivir Ekiamin agharir guvimin boroghin apera.

### *Godin Otarim enselbagh afira*

<sup>4</sup> Afeziam ziam uan Otarim ganingi. Ezi ziar kam a bar dera, egha enselbar zibagh afira. Kamaghin amizi, an Otarim gamizima a enselbar ekiamin oto, ezi me an apengan iti. <sup>5</sup> Egha God dughiatam uan enselin tam kamaghin a mikemezir puvati, “Ni nan Otarim, ezi datirighin ki nin Afeziamin oto.” O a kamaghin enselin tam mikemezir puvati, “Ki uabi ia inigh, eghian Afeziamin min ikiti, ia nan Otarimin min ikiam.” Bar puvati. <sup>6</sup> Egha dughiar God ua uan Otarir ivariam nguazir kam in anemangasa uaghan ghaze:

“Godin enselba bar an apengan ikiva an ziam fam.”

<sup>7</sup> God enselbagh nighnigha kamaghin migei, “A uan enselbagh amima da aminimin min otifi,

---

**1:4:** Ef 1:21, Fl 2:9-10    **1:4:** Efesus 1:21; Filipai 2:9-10    **1:5:** 2 Sml 7:14, 1 Sto 17:13, Sng 2:7, 89:26-27, Ap 13:33, Hi 5:5    **1:5:** 2 Samuel 7:14; 1 Eghaghaniba 17:13; Onger Akaba 2:7; 89:26-27; Aposel 13:33; Hibru 5:5    **1:6:** Lo 32:43, Sng 97:7, Ro 8:29, Kl 1:18, 1 Pi 3:22, MAA 1:5    **1:6:** Godin Araziba 32:43; Rom 8:29; Kolosi 1:18; 1 Pita 3:22; Akar Mogomem 1:5    **1:7:** Sng 104:4    **1:7:** Onger Akaba 104:4

egha uan ingangarir gumazibagh amima me avir mizariabar min otifi.”

<sup>8</sup> Egha Otarim ginighnigha kamaghin migei:

“Nin atrivir dabirabir God ni ganingizim,  
a zurara iki mamaghira ikiam.

Eghti ni guizin arazimin  
uan gumazamizibagh ativagh men ganam.

<sup>9</sup> Ni arazir aghuibara ifuegha, egha arazir kuraba  
bar dar aghua.

Kamagh amizi, God ni amisevegha,  
ni ziar ekiam ikiasa  
a borem nin dapanim ginge.

A kamaghin ni gamizi  
ni bar akonge,  
ezi ni bar akongezir bizir kam,  
atrivir igharaziba bar me gafira.”

<sup>10</sup> Egha God uan Otarim kamaghin a migei:

“Ekiam, ni fomira nguazir kamin ingari.  
Guizbangira, ni uabi uan dafaribar overiam  
ko bizir pin itibar ingari.

<sup>11</sup> Bizir kaba bar givagham,  
eghti ni ikivira ikiam.

Overiam ko nguazim, aning bar ikuvigham,  
mati inim ghurigha bar biaghire.

<sup>12</sup> Ni aning righam,  
mati gumazim atuim riki.

Ni aning damighti aning igharagh otogham,

---

**1:8:** Onger Akaba 45:6-7    **1:9:** Ais 61:1, Ap 4:27, 10:38    **1:9:**  
Aisaia 61:1; Aposel 4:27; 10:38    **1:10:** Onger Akaba 102:25-27  
**1:11:** Ais 34:4, Mt 24:35, 2 Pi 3:7, 3:10    **1:11:** Aisaia 34:4; 2 Pita  
3:7; 3:10

mati gumazim korotiar ghuriba suagharisi.  
 Ezi ni, kamaghira iti, ni igharagha garir puvati.  
 Nin dughiam givaghan kogham.”

<sup>13</sup> Fomira God kamaghin uan Otarimra kamaghin a mikeme, “Ni nan agharir guvimin daperagh iki mangiti, ki nin apaniba dikabiragh me isi nin dafarim datighti me nin dagarimningin apengan ikiam.” Egha God dughiatamin akar katam enselin tam mikemezir puvati. Bar puvati.

<sup>14</sup> Guizbangira enselba me duaba, egha me Godin ingangarim gami. Ezi God gumazamizir a ua iniamibar akurvaghasa me amadi, me arui.

## 2

*God en akurazir arazim,  
 a bizir bar ekiam*

<sup>1</sup> Godin Otarim ziar ekiam isi, kamaghin amizi, akar e oraghizir kamnagh, e bar mighviram an suiragham. E ireghan koghsi, e akar kam deraghvira an suiragh gavgavigh ikiam. <sup>2</sup> Fomira God en inazir afeziabav kimasa, uan akam isa enselbagh aningi, egha kamaghira tuavir kamın a kamaghin men aka, akar kam a guizbangira. Ezi gumazamiziba akar kamın gin zuir puvatigha a batoke, me ivezir kuram iniam. Men arazir kurar

---

**1:13:** Sng 110:1, Mt 22:44, Mk 12:36, Lu 20:42  
 Akaba 110:1; Matyu 22:44; Mak 12:36; Luk 20:42  
 91:11, Mt 18:10, Ap 12:7, Ro 8:17, Je 2:5, 1 Pi 3:7  
 Akaba 34:7; 91:11; Matyu 18:10; Aposel 12:7; Jems 2:5  
 68:17

**1:13:** Onger  
**1:14:** Sng 34:7,  
**1:14:** Onger  
**2:2:** Sng

me amizibar mırara, me uan ivezir kuram inis.\*  
 3 Ezi datirighin, God en akurazir arazim, a bizir bar ekiam. E akirim ragh Godin akurvazir arazim gasaraghıva, e manmaghin arazir kuramin ivezim gitagham. Bar puvatıgham. Ekiam uabi faragha en akurvaghasa mikeme, ezi gumazamiziba an akam baraki. Ezi me kamaghin migia en aka, akar kamnagh a guizbangıra. 4 Dughiar kamın, God mirakelin igharagha gariba ko digavir kuram gamir arazibagh amua uan ifongiamın gın ghua Godin Duamın bizir aghuiba tuiragha gumazamizibagh anıdi. Ezi arazir kamın a kamaghin en aka, an Otaramın akar kam a bar guizbangıra ghu.

*Iesus, a uabi en Akurvazir Gumazim*

5 E nguazir igiar God gın damıghtı otivamim gıñighnigh fogham, God nguazir igiar kam gati-vasa, enselbav kemezir puvati. Bar puvati. 6 Ezi Godin Akınafarımın aven akar mam kamaghin iti:

“O God! E gumazamiziba ti manmaghıram amizir biziba, ezi ni mighigha e gıñighnisi?”

---

\* **2:2:** Me Akar Dikirizir Gavgavir God Moses ganıngizim mıgei. Ni Ua Me Ini 19-20ın gan. Ua Me Iniamın Akınafarımın akam, enselin mıgırıgiaba puvati, ezi Judaba kamaghin nıghnızir gavgavım iti, God Akar Dikirizir Gavgavım enselbar dafarımın Moses ganıngi. İa Aposel 7:38 ko 7:53, ko Galesia 3:19ın gan. **2:3:** Mt 4:17, Mk 1:14, Lu 1:2, Hi 10:28-29, 12:25 **2:3:** Matyu 4:17; Mak 1:14; Luk 1:2; Hibru 10:28-29; 12:25 **2:4:** Mk 16:20, Ap 2:22, 14:3, 1 Ko 2:4, 12:4, 12:7, 12:11, Ef 1:5, 1:9 **2:4:** Mak 16:20; Aposel 2:22; 14:3; 1 Korin 2:4; 12:4; 12:7; 12:11; Efesus 1:5; 1:9 **2:5:** Hi 6:5, 2 Pi 3:13 **2:5:** Hibru 6:5; 2 Pita 3:13 **2:6:** Jop 7:17, Sng 144:3 **2:6:** Jop 7:17; Onger Akaba 144:3 **2:6:** Onger Akaba 8:4-6

E pura biziba. Manmagħiram amizi, ni bar puviram e ginighnisi?

<sup>7</sup> Ni uabi en ingarigha, e isa enselbar apengan e ati. Ni gavgavim ko ziar ekiam isa e ganiga e afazi, bizir ni ingariziba bar en apengan iti.

<sup>8</sup> Biziba bar mogħira ni da isa e gumazamiziba en suemningin apengan da ariki. Egħti e bar dagħ ativagħam.”

Godin akar kam ghaze, God gumazamizibagh amizi, biziba bar men apengan ikiti me dagħ ativagħam. Akar kamın mınгарim a kamakın, God bizir a ingariziba bar da isa en apengan da ariki. Ezi e fo, datirighin e garima, biziba bar en apengan itir puvati.<sup>†</sup> <sup>9</sup> Ezi e Iesus gifo, a ziar ekiam ini. God kamaghsua, a bar en apangkuvighiti, tuavir kamın Iesus gumazamiziba bagħ aremegħam. Egħa kamagħin bar dugħiar otevimın an enselbar apengan ike. Egħa mızazir dafam inigha areme, ezi bizir kam bagħa God ziar ekiam a ganiga a ghufe. <sup>10</sup> E fo, God a biziba bar dar mınгарim, egħa a biziba bar dar ingari. Egħa kamagħin ifonge, Iesus uan borir aviriba inigh men aku Godin Nguibamın

---

**2:8:** Mt 28:18, 1 Ko 15:25-27, Ef 1:22    **2:8:** Matyu 28:18; 1 Korin 15:25-27; Efesus 1:22    <sup>†</sup> **2:8:** Akar Onger Akabar Akinafarimın aven itim, a gumazamiziba bar me migei. Ezi gumazir Hibrun Akinafarimın Osirizim, a Iesus ginighnigha ghaze, a gumazimın mın otogħa gumazamiziba bar men danganim ini. Ezi kamagħin Onger Akabar Akinafarimın, a bizir guizın Iesus batozibav gei. **2:9:** Jo 3:16, Ro 5:18, Fl 2:7-9, 1 Ti 2:6, 1 Jo 2:2, MAA 5:9    **2:9:** Jon 3:16; Rom 5:18; Filipai 2:7-9; 1 Timoti 2:6; 1 Jon 2:2; Akar Mogomem 5:9    **2:10:** Lu 24:46, Jo 20:17, Ap 3:15, Ro 8:29, 11:36, Hi 5:9, 10:10    **2:10:** Luk 24:46; Aposel 3:15; Rom 8:29; 11:36; Hibru 5:9; 10:10

mangam, eghti me Iesus ko ziar ekiam iniam. God kamaghin ifonge, Iesus gumazamizibar akurvaghamin ingangarim damuam, kamaghin amizi, a Iesus ataghizima a mizazim isi. Ezi mizazir kam Iesus gamima a gumazamizibar akurvaghamin gumazir bar faragha zuimin otogha, tuavim men aka. Arazir God a gamir kam, a bar dera.

<sup>11</sup> E fo, gumazir kam Iesus, a gumazamizibagh amizi me Godin gumazamizibar min ikia egha me bar zue. A me ko afeziar vamira iti. Kamaghin amizi, an aghumsizir puvatigha me dibora ghaze, “Nan aveghbuaba ko buaramiziba.” <sup>12</sup> Egha a kamaghin God migei:

“Ki uan adarazir tongin iki  
 nin ziamin gun me mikimam.  
 Ki gumazamiziba uari akuvamin danganimin iki  
 men tongin nin ziam fam.”

<sup>13</sup> Egha a ua ghaze, “Ki datirighin, God damuasa mikemezir biziba, ki puram a mizuam da bagh gan ikiti God damuasa amir biziba, a mikemezi moghin dar amuam.” Egha ua ghaze, “Ia gan, ki borir God na ganingiziba me ko iti.”<sup>†</sup>

**2:11:** Mt 25:40, Mk 3:35, Jo 20:17, Ap 17:26,, Ro 8:29, Hi 10:10

**2:11:** Matyu 25:40; Mak 3:35; Jon 20:17; Aposel 17:26; Rom 8:29

**2:12:** Sng 22:22    **2:12:** Onger Akaba 22:22    **2:13:** Sng 18:2, Ais 12:2, Jo 17:6, 17:9-12    **2:13:** Onger Akaba 18:2; Jon 17:6; 17:9-12

<sup>†</sup> **2:13:** Iesusin akar kam, a Aisaia 8:17-18in ize. Gumazim o amizir Hibrun Akinafarim Osirizim, en akaghti e fogham, Iesus gumazamizir igharaziba ko magh gari, me an aveghbuaba ko an boriba. Ezi gumazamiziba God mizuaima a bizibagh ami, ezi Iesus uaghan orarti.

### *Jesus en akuraghasa gumazimin min oto*

14-15 Kamaghin amizi, borir kaba, me guizbangira inivafiziba ko ghuziba iti. Kamaghira Jesus uaghan men min ikia guizin gumazimin oto. A kamaghsua, an aremegh egh arazir kamın a Satan bar a gasighasigham, a gumazir gumamazibagh amima me ariaghirir gavgavim itim. Gumamaziziba nguazir kamın ikiava ovevemın atiati. Ezi men atiatir kam me ikiagharisi. Kamaghin amizi, Jesus me fırsa, bizir kam bagha, a gumazimin min otogha egha areme. <sup>16</sup> Guizbangira, Jesus ingangarir kam enselbar akurvaghasa a gamizir pu. Puvati. An Abrahamın boriba akurvaghasa a gami. <sup>17</sup> Kamaghin amizi, a uan doziba ko buaramizibar miraram oto. A kamaghsua, a men Ofa Gamir Gumazibar Dapanimın iki, egh Godin akamın gin mangi apangkuvim gumamazizibar ikiva Godin ingangarim damu, egh ingangarir kamın gumamazizibar arazir kuraba gin amangam. Kamaghin a gumamazizibar min oto. <sup>18</sup> Ezi Satan a gifarasa arazir kuraba bagha a gakaghori, ezi an osimtiziba ateri. Kamaghin amizi, Satan gumamazizibagh ifaramin dughiabar, Jesus men akurvaghamin fofozim iti.

## **Jesusın ziar ekiam, a bar Mosesın ziar ekiam gafira**

**2:14-15:** Jon 1:14; 12:31; Rom 8:3; 8:15; Filipai 2:7; Kolosi 2:15; 2 Timoti 1:7; 1 Jon 3:8; Akar Mogomem 12:10      **2:16:** Ais 41:8-9

**2:16:** Aisaia 41:8-9      **2:17:** Fl 2:7, Hi 2:14, 4:15, 5:1-2, 1 Jo 2:2, 4:10      **2:17:** Filipai 2:7; Hibru 2:14; 4:15; 5:1-2; 1 Jon 2:2; 4:10

**2:18:** Hi 4:15-16, 5:2, 7:25      **2:18:** Hibru 4:15-16; 5:2; 7:25

# 3

(*Sapta 3:1--4:13*)

*Iesusin ziar ekiam, a Mosesin ziar ekiam gafira*

<sup>1</sup> Kamaghin amizi, Kraisin adarasi, God uaghan Uan Nguibamin mangasa, a ian dia. Ia deravira Iesus ginighnigh, e nighnizir gavgavim an ikia, egha an ziamin gun migia ghaze, a God misevegha amadazir abuir gumazim, egha uaghan Ofa Gamir Gumazibar Dapanim. <sup>2</sup> God anemisevegha ingangarir kam a ganingizi, a Godin gumazamiziba bagha ingari. Moses fomira Godin gumazamiziba bagha deravira ingarizi moghira, a ingari. <sup>3</sup> E fo, gumazir dipenimin ingarim, a ziar ekiam isi, ezi an ziar ekiam, an dipenimin ziar ekiam gafira. Ezi kamaghira God ziar ekiam Iesus ganingi, ezi an ziar ekiam, Mosesin ziar ekiam gafira. <sup>4</sup> Ezi dipeniba bar, gumaziba dar ingari. Ezi Godra, a biziba bar dar ingari. <sup>5</sup> Moses a Godin ingangarir gumazimin iti, egha Godin akamin gin ghua Godin gumazamiziba bagha deravira ingari. A bizibar gun mikimamin ingangarim iti, akar God gin a mikimamiba. <sup>6</sup> Ezi Krais a Godin Otarim, a Godin gumazamizibagh ativagh men ganam. Egha guizbangira

---

**3:1:** Ef4:1, Fl 3:14, Hi 4:14, 5:5, 6:20, 7:26, 8:1, 9:11, 2 Pi 1:10    **3:1:** Efesus 4:1; Filipai 3:14; Hibru 4:14; 5:5; 6:20; 7:26; 8:1; 9:11; 2 Pita 1:10    **3:2:** Nam 12:7    **3:2:** Diboboniba 12:7    **3:3:** Sek 6:12, Mt 16:18    **3:3:** Sekaraia 6:12; Matyu 16:18    **3:4:** Ef 2:10, 3:9, Hi 1:2    **3:4:** Efesus 2:10; 3:9; Hibru 1:2    **3:5:** Nam 12:7    **3:5:** Diboboniba 12:7    **3:6:** Ro 5:2, Ef 2:21-22, Kl 1:23, 1 Ti 3:15, Hi 3:14, 6:11, 1 Pi 2:5    **3:6:** Rom 5:2; Efesus 2:21-22; Kolosi 1:23; 1 Timoti 3:15; Hibru 3:14; 6:11; 1 Pita 2:5

Godin akamin gin ghua ingangarir kam deravira a gami. Eghti e atiatingan koghiva, nighnzir gavgavim ikiva egh bizir aghuir e iniamiba e dav zuamam, egh kamaghin damuva, e uaghan Godin Dipenimin min ikiam.

*Gumazir akaba batoziba, me aghuvsazim inian kogham*

<sup>7-8</sup> E Godin gumazamiziba, egha uaghan an dipenimin min iti, kamaghin amizi, e Godin Duamin akam baragham. A kamaghin migei:

“Ia datirighin Godin tiarim baraghiva,  
 egh ia uan navibar kuman marki,  
 mati ian inazir afeziaba fomira an akaba  
 batogha  
 orazir puvati.

Me gumazamiziba puvatizir danganimin ikia God  
 damuti a irasa an akam batosi.

<sup>9</sup> God ghaze,  
 Me danganir kamın ikia nighnzir gavgavim  
 nan itir puvatigha,  
 nan gavgavim tuisigh fofoghasa nan azai.

Me garima,  
 ki 40plan azenibar arazir aghuiba me bagha  
 dagh ami.

<sup>10</sup> Kamaghin amizi, ki bar gumazamizir kabar  
 aningaghegha ghaze,  
 ‘Gumazamizir kabar naviba bar saghon ikia  
 nan gin zuir puvati.  
 Me zurara tuavir ki me bagh atizim gi-  
 tavirasi.’

11 Ki men aningaghegha bar guizbangira akar gavgavim gamua ghaze,  
 ‘Me nan aghuvsazir danganimin aven mangighan kogham.  
 Bar puvati!’”

12 Kraisin adarasi, ia uari bagh deravira gan, ian tongin tav nighnizir kuratam an navir averiamin ikiti a nighnizir gavgavim ategh, akirim ragh Angamira Itir God gasan marki. 13 Ezi ia kamaghin damuan marki, ia kamaghin damu, ia zurara dughiabar ia vaghvagh Godin gumazamizir igharaziba ko ia, akar aghuim uari daning uarir akurvagh egh uan naviba gavgavim dar aning. Kamaghin arazir kuram tav gifaraghti, a Godin gin zuir tuavim ateghan kogham. Godin Akinafarim ghaze, “Datirighin,” e fo, e datirighin ingangarir kam damuam. 14 Ia fo, dughiar e faragha nighnizir gavgavim Godin itim, en nighnizir gavgavim bar gavgafi. Egh e uan nighnizir gavgavibar amuti da gavgavigh iki maghira mangi dughiar e ovengamimin otogham. E kamaghin damuva, e bar Krais ko poroghiv iki a ko ingar ikiam. 15 E fo, Godin Akinafarim kamaghin migei:

“Datirighin ia Godin tiarim baraghiva,  
 egh ia an akamin aghuaghan marki,  
 mati ian inazir afeziaba fomira an akaba batogha  
 egha orazir puvati.”

---

**3:11:** Nam 14:21-23    **3:11:** Diboboniba 14:21-23    **3:14:** Hi 3:6  
**3:14:** Hibru 3:6    **3:15:** Sng 95:7-8, Hi 3:7-8    **3:15:** Onger  
 Akaba 95:7-8; Hibru 3:7-8

16 Fomira te Godin tiarim baregha, an gin zuir puvati, egha an akam batosi? Kar gumamazir Moses inigha Isipin ghueziba, meraram arazir kam gami. 17 Ezi God 40plan azenibar ten aningaghe? A gumamazir arazir kurabagh amiziba, me gumamaziba puvatizir danganimin ariaghirezir gumaziba, merara, a men aningaghe. 18 God fomira guizbangira akar gavgavim akira ghaze, “Me nan aghuvsazir danganimin aven mangan kogham.” Akar kam, a te ganingi? Kar gumamazir an akam barazir puvatiziba. A me baghvira migei. 19 Kamaghin e fo, gumazir kaba me nighnizir gavgavim Godin ikian aghua. Ezi bizir kam bagha me Godin aghuvsazir danganimin aven mangan ibura.

## 4

### *Godin gumamaziba aghuvsazim iniam*

1 Datirighin, God uaghan e inigh aghuvsazir danganimin aven mangasa akam akiri. Ezi kamaghin ia uari bagh deravira gan, ian tav atam akuigh egh danganir kam in aven mangighan kogham. 2 E Akar Aghuim baraki, mati fomira Israelia a baraki. Egha Israelia me puram akam

---

**3:16:** Lo 1:1-38      **3:16:** Godin Araziba 1:25-38      **3:16:** Diboboniba 14:1-35      **3:17:** Sng 106:26, 1 Ko 10:10, Ju 5      **3:17:** Onger Akaba 106:26; 1 Korin 10:10; Jut 1:5      **3:18:** Lo 1:34-35, Hi 3:11      **3:18:** Godin Araziba 1:34-35; Hibru 3:11      **3:19:** Hi 4:6  
**3:19:** Hibru 4:6      **4:1:** Hi 12:15      **4:1:** Hibru 12:15

a baraki, egha nighnizir gavgavim an itir puvati. Ezi bizir kam bagha Akar Aghuir me oraghizir kam, a men akurazir puvati. <sup>3</sup> Ezi e gumazamizir nighnizir gavgavim Godin itiba, an e ateghtima e an aghuvsazir danganimin mangam. A fomira nguibar kam ginighnigha egha a mikemezir moghira:

“Ki aningaghegha akar gavgavim akira ghaze,  
 ‘Me nan aghuvsazir danganimin aven  
 mangighan kogham.  
 Bar puvati!’”

Guizbangira, God Mosesin dughiamin akar kam migei, ezi e fo, bar fomira dughiar a nguazir kam in ingarizim, a nguazir kam in ingarasa nighniziba a dagh amigha gifa.\* <sup>4</sup> Godin Akinafarimin aven akar otevir mam iti, a namba 7in dughiam migei, “Aruer namba 7in, God garima an ingangariba bar gifa, ezi a dughiar kam in avughse.” <sup>5</sup> Ezi migirigiar otevir kamra e faragha a baraki, a ua migia ghaze, “Me nan aghuvsazir danganimin aven mangighan kogham. Bar puvati!” <sup>6</sup> E kamaghin bizir kam gifo, Godin aghuvsazir dan-

---

**4:3:** Sng 95:11, Hi 3:11, 3:14    **4:3:** Onger Akaba 95:11; Hibru 3:11    \* **4:3:** Israelia Isip ataghizir dughiam, God Moses ko Josua me inigh Kenanin Nguazimin mangasa a ifonge, eghti nguazir kam me dapiagh avughsamin danganimin otogham. Ezi gumazir Hibrun Akinafarim osirizim kamaghin en aka, God avughsazir danganir igharazim iti, kar Godin Nguibam, guizbangiram an avughsazir danganim, eghti gumazamizir nighnizir gavgavim an itibarama Nguibar kam in aven mangan.    **4:4:** Stt 2:2, Kis 20:11, 31:17    **4:4:** Jenesis 2:2; Ua Me Ini 20:11; 31:17    **4:5:** Sng 95:11

**4:5:** Onger Akaba 95:11

ganir kam a ikiavira iti, ezi gumamazizitaba an aven mangam. Ezi gumamazizir faragha Akar Aghuim baraghiziba, me nighnizir gavgavim an itir puvati, kamaghin amizi, me aven ghuezir puvati. <sup>7</sup> Ezi gumamazizir kabar gin, azenir aviriba ghua gifa, ezi God uan akam isa Devit ganingi, ki Godin Akinafarimin aven itir akar kamın gun mikemegha gifa. A ghaze:

“Datirighin ia Godin tiarim baraghiva,  
egh ia an akamin aghuaghan marki.”

Devitin dughiamin, God ghaze, “Datirighin,” egha kamaghin en aka, a dughiar igharazim ginaba. Dughiar a inabazir kam, gumamaziziba an aghuvsazir danganir kamın aven mangam. <sup>8</sup> Josua ti fomira aghuvsazim gumamazizibagh aningizi, ezi God gin dughiar igharazitam ginabaghan koghai. <sup>9</sup> Kamaghin amizi, e fo, Godin gumamazizibar aghuvsazim a ikivira ikiam, a mati Sabatin aghuvsazir dughiam. <sup>10</sup> E fo, gumazim Godin aghuvsazir danganimin aven ghua, a uan ingangarim agivagha aghuvsı, mati fomira God uan ingangarim agivaghava aghuvsı.

<sup>11</sup> E kamaghin aghua, me fomira amizi moghin, gumazitam o amizitam uan akaba batozir arazimin gin mangi, aremegh uan aghuvsazir danganimin aven mangighan kogham. Kamaghin

---

**4:7:** Sng 95:7-8    **4:7:** Onger Akaba 95:7-8    **4:8:** Lo 31:7, Jos 22:4    **4:8:** Godin Araziba 31:7; Josua 22:4    **4:10:** Stt 2:2, Hi 4:4  
**4:10:** Jenesıs 2:2; Hibru 4:4    **4:11:** Hi 3:12, 3:18-19    **4:11:** Hibru 3:12; 3:18-19

e aghuvsazir danganimin aven mangisi pamtemin ingaram.

<sup>12</sup> Godin Akam an angamira ikia, egha pamtemin ingara iti. A bar ghumigha, midorozir sabar ghumtizir pumuning itim gafira. Ezi akar kam, sabar ghumtizimin min, a bar gumazimin namnam okoregha bar aven ghua, duam ko navir averiam uaning bativi naghin oto, egha uaghan aghariba uari isasuirazir naghin, ko agharibar aven itir ovim, aning uaning bativi naghin oto. Egha a bar en nighniziba ko en navir averiabar aven itir ifongiabagh fogha da tuisisi. <sup>13</sup> Ezi bizir God ingariziba, tam Godin damazimin modoghan kogham. Bar puvati. Ezi biziba bar kuiaghiregha Godin damazimin bar azenara ikiam. Eghti Godra arazir e amiba tuisightima e dar a geghanam.

**Iesus Godin Nguibamin ikia, en  
Ofa Gamir Gumazibar Dapanimin  
min ikia, egha Akar Dikirizir  
Gavgavir Igiamin abuir  
gumazimin min iti**

*(Sapta 4:14--10:39)*

*Iesus Ofa Gamir Gumazibar Dapanim*

<sup>14</sup> Ezi e Ofa Gamir Gumazibar Dapanir mam iti, ezi a bar Godin Nguibamin aven ghua. A Iesus,

---

**4:12:** Ais 49:2, Jer 23:29, Jo 12:48, 1 Ko 14:24-25, Ef 6:17, MAA 1:16, 19:15    **4:12:** Aisaia 49:2; Jeremaia 23:29; Jon 12:48; Efesus 6:17; Akar Mogomem 1:16; 19:15    **4:13:** Jop 26:6, Sng 33:13-14, 90:8, Snd 15:11    **4:13:** Jop 26:6; Onger Akaba 33:13-14; 90:8; Aghuzir Akaba 15:11    **4:14:** Hi 3:1, 7:26, 10:23    **4:14:** Hibru 3:1; 7:26; 10:23

Godin Otarim. Kamaghin amizi, e nighnizir gav-gavir e gun migeir kamın suiragh gavgavigham. <sup>15</sup> E uari arazir kuraba dikabinamin gavgaviba puvati. Egh e kamaghin nighnighan kogham, Ofa Gamir Gumazibar Dapanir kam, en nighnizibagh fogh en kuarkuvighan kogham. Puvati. Satanin ifavarir arazir e bativiziba, da uaghan bar a bativigha gifa. Ezi an arazir kuratam gamizir puvati. <sup>16</sup> Kamaghin amizima, e atiatingan koghiva Godin atrivir dabirabimin boroghın mangam, Godin apangkuvim a gizifa. E a bagh mangitima God en kuarkuvigh en apangkuvigham. Egh e osimtizitam ikiti an apangkuvim en akuragham.

## 5

*Iesus, en Ofa Gamir Gumazibar Dapanim, an en akura*

<sup>1</sup> Ia nighnigh. Ofa gamir gumazibar dapaniba bar, God vaghvagh men adarazir tongin me amisefe. God men mav amisevezima, a gumazimiziba bagha Godin ofa gami. Egha uaghan bizir aghuiba isa God ganidi. Egha arazir kuraba bagha ofa gamima God arazir kuraba gin amadi. <sup>2</sup> Egha a uabi a Godin damazimin bizibar amuamin gavgaviba puvati. Kamaghin amizi, gumazir fofoziba puvatigha pazav amiba, a men asughasusi. <sup>3</sup> Egha a uabi a bizibar amuamin gavgaviba puvati,

---

**4:15:** 2 Ko 5:21, Hi 2:17, 7:26, 1 Pi 2:22, 1 Jo 3:5      **4:15:** 2 Korin 5:21; Hibru 2:17; 7:26; 1 Pita 2:22; 1 Jon 3:5      **4:16:** Ef 2:18, 3:12, Hi 10:19-22      **4:16:** Efesus 2:18; 3:12; Hibru 10:19-22      **5:2:** Hi 2:18, 4:15, 7:28      **5:2:** Hibru 2:18; 4:15      **5:3:** Wkp 9:7, 16:6, Hi 7:27      **5:3:** Ofa Gami 9:7; 16:6; Hibru 7:27

kamaghin amizi, a gumazamizibar arazir kuraba ko a uan arazir kuraba sara gin amangisi ofabar amu.

<sup>4</sup> Ezi gumazitam ofa gamir gumazibar dapanimin ikiasa uabi uabi amisevegha ziar ekiam inizir pu. Puvati. God uabi an diazima a ingangarir kam ini. Mati God fomira Aronin diazi mokin. <sup>5</sup> Ezi kamaghin, Kraiss uaghan kamaghiram ami. A uabi uan ziam fer puvati, egha Ofa Gamir Gumazibar Dapanimin otozir pu. Puvati, God uabi ingangarir kam damuasa anemisefe. Egha God kamaghin a migei, “Ni nan Otarim, ezi datirighin ki nin Afeziamin oto.” <sup>6</sup> Egha uan Akinafarimin aven itir akar igharazir mam, a ghaze, “Ni ofa gamir gumazim, Melkisedekin min iki mamaghira ikiam.” <sup>7</sup> Ezi dughiar Iesus nguazimin itim, a pamtemin God ko migia egha diav azi. A fo, an ovengan koghsi, God an akuraghamin gavgavim iti. Kamaghin amizi, a uabi uan ifongiam dikabiragha Godin apengan ikia, an akam barasi. Ezi God an dindiam barasi.\*

**5:4:** Kis 28:1      **5:4:** Ua Me Ini 28:1      **5:5:** Sng 2:7, Jo 8:54, Hi 1:5, 1:8      **5:5:** Onger Akaba 2:7; Jon 8:54; Hibru 1:5; 1:8

**5:6:** Sng 110:4, Hi 6:20, 7:1, 7:17, 7:21      **5:6:** Onger Akaba 110:4; Hibru 6:20; 7:1; 7:17; 7:21      **5:7:** Jo 12:27, 17:1      **5:7:**

Jon 12:27; 17:1      \* **5:7:** Iesus Getsemanin Azenimin ikia, egha osimtizer a bativamim batoghasa God ko migei. Ni Matyu 26:36-46 ko Mak 14:32-42 ko Luk 22:39-46in gan. Migirigiar kabar God Iesus a ko migeir migirigiba baraki. Guizbangira God Iesus ataghizi an areme, egha God ovevem ataghizi an an suirazir puvati. God a gamizi ua mozinin dikavizi, a ziar ekiam a ganigha a gamizi an Ofa Gamir Gumazibar Dapanimin oto. Ni uaghan Aposel 2:24 ko Hibru 2:29 ko Filipai 2:6-11in gan.

8 Guizbangira Iesus a Godin Otarim, egha a mizazim ini. Ezi tuavir kamra a Godin akamin gin zuir arazim an a gifo. <sup>9-10</sup> Egha a uan ingangarir a damuamiba, a bar da gifa. Ezi God anemisevegha ghaze, “Ni Ofa Gamir Gumazibar Dapanimin ikiam, egh Melkisedekin min ikiam.” Ezi a gumamazir an akam baragha an gin zuiba, a men Akurvazir Gumazimin oto. Egh a men akurvaghti me deravira iki mamaghira ikiam.

*E borir agharibar min ikian kogham*

11 E fo, Iesus Ofa Gamir Gumazibar Dapanimin oto, ezi e migirigiar aviriba akar kamın iti, e dar gun ia mikimasa. Ezi ia oraghan aghua. Kamaghın amizima, e akar kamın mingarim ia mikiman ibura.† 12 Ia fomira Kraisin adarazir otivigha gifa, ezi kamaghın ia gumamazibar Godin akam men sure gamighai. Puvati, ian nighniziba oteveg-havira iti, kamaghın gumazir igharaziba, Godin akar faraghavira ian sure gamiziba, me ua ian sure damuam. Ia dagher gavgaviba inian firin, ia otem apavira iti. 13 Ezi tina otem apavira iti, an aghirimra iti. Egha an arazir aghuimin akar mingarim gifozir puvati. 14 Ezi dagher gavgaviba, da gumazir aruabar daghem. Ezi gumazir kaba,

---

**5:8:** Fl 2:8, Hi 3:6    **5:8:** Filipai 2:8; Hibru 3:6    **5:9-10:** Hi 2:10, 5:6, 11:40    **5:9-10:** Hibru 2:10; 5:6; 11:40    **5:11:** Mt 13:15, Jo 16:12, 2 Pi 3:16    **5:11:** Matyu 13:15; Jon 16:12; 2 Pita 3:16  
† **5:11:** Ni Hibru sapta 7in gan.    **5:12:** 1 Ko 3:1-3, Hi 6:1    **5:12:** 1 Korin 3:1-3; Hibru 6:1    **5:12:** 1 Korin 3:2    **5:13:** 1 Ko 13:11, Ef 4:14, 1 Pi 2:2    **5:13:** 1 Korin 13:11; Efesus 4:14; 1 Pita 2:2    **5:14:** Ais 7:15, Ro 16:19, 1 Ko 2:14-15, Fl 1:10    **5:14:** Aisaia 7:15; Rom 16:19; 1 Korin 2:14-15; Filipai 1:10

me dughiar aviribar araziba tuisisi, arazir manam dera ezi arazir manam ikufi. Egha datirighin me deravira fofoghava egha me nighnizir dikiriaba iti.

## 6

*E deraghvira tuivigh gavgavigh God mizuamti, a deraviram e damuam*

<sup>1-2</sup> E datirighin Kraisin adarazir migirigiar faragha iniziba ataghiragham, migirigiar kaba: navibagh ighegh akirim ragh ovever arazibagh asaraghamin migirigiaba ko, nighnizir gavgavim Godin ikiamin migirigiaba ko, rurir arazimin migirigiaba ko, dafariba gumazibagh isin arizir arazimin migirigiaba ko, gumazamizir ovegha ua dikavibar migirigiaba ko, God gumazamizibar araziba tuisighti me mizaziba iniam, o zurara ikivira ikiamin migirigiaba, e migirigiar kaba ateghti, da zurara en nighnizibar ikian kogham. E kamaghin nighnighvira ikiva, mati e dipenir akiniba dughiar aviribar da akuravira iti, egh dipenim asaragham kogham. E gumazir aruabar min akaba baragh egh dar gin mangam.\* <sup>3</sup> God en amamangatightima, e kamaghin damuam.

---

**6:1-2:** Ap 8:14-17, 17:31-32, 19:4-5, Ro 2:16, Fl 3:12-14, Hi 5:12, 9:14

**6:1-2:** Aposel 8:14-17; 17:31-32; 19:4-5; Rom 2:16; Filipai 3:12-14;

Hibru 5:12; 9:14 \* **6:1-2:** Rurir guar aviribagh isir arazimin akar kam, a Grighin akamin deragha otozir puvati. Gumazir maba kamaghin nighnisi, akar kam Kraisin adarazir rurim migeir puvati. A Judabar arazir me gin ghua rua Godin damazimin zuer akam migei.

4-6 Gumazir maba, Godin angazangarimin aven ikegha, akurvazir aghuir Godin Nguibamin izezim inigha ghaze, a bar dera, egha igharaz darazi ko, Godin Duam inis. Egha Godin akam baregha fo, a bar dera. Me Godin gavgavimin aven ghua deragha an gani, gavgavir kam, a gin izamim dughiamin miseveghirigh azenimin otogham. Kamaghin amizi, gumazim akirim ragh God gasaragh tuavir manatamin izi ua navim giragham? Bar puvati. A kamaghin amua, mati, a uan navir averiamin aven Godin Otarim uam a isa ter ighuvim gafugha, a gurazi gumaziba ua dibovir akabar a migei. Kamaghin amizi, gumazir uan nighnizir gavgaviba ataghizir kaba, me ua navibagh iraghamin tuaviba puvati.

7 Amozim dughiar aviribar izava nguazimin aven zui. Eghti nguazim daghebar amuti dagher aghuiba otivam, egh gumazir me me bagha da oparizibar akurvagham. Eghti God nguazir kam deragha a damuam. 8 Eghti benir ataghatariba ko benir kuraba an ikiti, kamaghin nguazim ikuvigham. A dughiar ruarim ikeghan kogham, eghti God suam, ni ikufi, ni bar isigham.

9 Namakar aghuiba, e migirigiar gavgavir kabar ia gami. Egha e ia ginighnigha kamaghin fo, ia tuavir aghuimin gin mangam, a tuavir God ian akurazim. 10 God a gumazir kuram puvati,

---

**6:4-6:** Mat 12:31, Ga 3:2, Ef 2:8, Hi 10:26-27, 10:29, 10:32, 1 Pi 2:3, 2 Pi 2:20-21, 1 Jo 5:16    **6:4-6:** Matyu 12:31; Galesia 3:2; Efesus 2:8; Hibru 10:26-27; 10:29; 10:32; 1 Pita 2:3; 2 Pita 2:20-21; 1 Jon 5:16  
**6:8:** Stt 3:17-18    **6:8:** Jenesis 3:17-18    **6:10:** Ro 15:25, 2 Ko 8:4, 1 Te 1:3, 2 Te 1:6-7, 2 Ti 1:18, Hi 10:32-34    **6:10:** Rom 15:25; 2 Korin 8:4; 1 Tesalonika 1:3; 2 Timoti 1:18; Hibru 10:32-34

a ingangarir aghuir ia amizibagh fo, ia God gifongezir arazimra Godin gumazamizibar akagha men akurvasi, egha ia kamaghin amuavira iti. Egh a bizir kaba bakinighnighan kogham. <sup>11</sup> E kamaghin bar ifonge, ia bizir aghuir ia fogha iniamibav zuam iki, kamaghin ia God gifongezir arazimin gin zui moghin, ia bar moghira tuivigh gavgavighvira iki, mangiti ikirimirir kam givagham. <sup>12</sup> Ia amirvaghan marki. Ia gumazir nighnizir gavgavim ikia egha zuamiram amirvazir puvatizibar min iki. Egh bizir God fomira uan boribar aningasa akam akiriziba, ia da iniam.

*E nighnizir gavgavim Godin akar dikirizimin iti*

<sup>13</sup> God fomira akar dikirizim Abraham daningasa, a fo, gumazitam ekevegha a gafirazir puvati, egha a uabi uan ziam dibora ghaze, bar guizbangira. <sup>14</sup> Egha ghaze, “Ki guizbangira ni migei, ki deragh ni damuva, egh nin ovavir boribar amighti me bar avirasemegham.” <sup>15</sup> Abraham a mizua zuamiram amirvazir puvati, ezi God, gin bizir an akar dikirizimin mirara Abraham daningasa mikemeziba, a ganingi.

<sup>16</sup> Gumazim gavgavim uan akam daningisi, a gumazir a gafirazimin ziam dibora ghaze, bar guizbangira. A kamaghin damighti, gumazitam anedueghan kogham. <sup>17</sup> God fomira, gumazamiziba uan akar dikirizim me ganingizi,

**6:11:** Kl 2:2, Hi 3:6, 3:14      **6:11:** Kolosi 2:2; Hibru 3:6; 3:14

**6:12:** Hi 10:36      **6:13:** Stt 22:16-17      **6:13:** Jenesis 22:16-17

**6:14:** Stt 22:16-17      **6:14:** Jenesis 22:16-17      **6:16:** Kis 22:10-11

**6:16:** Ua Me Ini 22:10-11      **6:17:** Ro 11:29, Hi 11:9      **6:17:** Rom 11:29; Hibru 11:9

me fo, me gın an akam akırızir biziba iniam. Dughiar kam a deraghvıra kamaghın men ak-  
 aghasa ifongegha ghaze, nighnızir kam uam an  
 otevkınighan kogham. Kamaghın amizi, a gav-  
 gavim uan akar dikırızim ganıga uan ziam dıbora  
 ghaze, bar guizbangıra. <sup>18</sup> Egha datırıghın akar  
 pumuning iti, kar Godın akar dikırızim, ko Godın  
 arazir uan ziam dıborim, aning otevkınighan  
 kogham. God uabı ifarir puvati. Kamaghın amizi,  
 e gumazamizir ara ghua Godın boroghın mongez-  
 iba, e Godın akar dikırızim gınıghnıgh egh e uan  
 naviba gavgavim dar anıng, egh bizir aghuir e  
 fogha iniamiba mızuamvıra ikiam. <sup>19</sup> Egha e bizir  
 aghuir e fogha iniamiba bagha mızuair arazir  
 kam, a en akuragha en ikırımırımın suiragha gav-  
 gavim e ganıdi, mati angka kurımın suirazi a gav-  
 gavigha danganir vamıran iti. E Iesus mızuaima,  
 an aven ghua inir ekiar me Godın Dıpenımın  
 gurazımın gırakırangın Bar Anogoroghezir Dan-  
 ganımın oto. <sup>20</sup> Iesusra e bagha faraghavıra aven  
 ghugha Ofa Gamir Gumazibar Dapanımın oto.  
 Egha a Melkisedeghın mın Ofa Gamir Gumazımın

---

**6:18:** Nam 23:19, 1 Sml 15:29, Hi 12:1    **6:18:** Dıboboniba 23:19; 1  
 Samuel 15:29    **6:19:** Wkp 16:2-3, 16:12, 16:15, Hi 9:7    **6:19:** Ofa  
 Gami 16:2-3; 16:12; 16:15; Hibru 9:7    **6:20:** Wkp 16:2-3, 16:12-15,  
 Sng 110:4, Hi 3:1, 5:6, 5:10, 7:17, 8:1, 9:24    **6:20:** Ofa Gami 16:2-3;  
 16:12-15; Onger Akaba 110:4; Hibru 3:1; 5:6; 5:10; 7:17; 8:1; 9:24

oto, egh a zurara ikivira ikiam.†

## 7

### *Melkisedek a ziar bar ekiam iti*

<sup>1</sup> Ia fo, Melkisedeghin kam, a Salemin nguibamin atrivim, egha a Godin Bar Pin Itimin ofa gamir gumazim. Ezi dughiar mam Abraham atrivir 4pla misogha me abini. Egha a uamategha izima, Melkisedek tuavimin a batogha a bagha God ko migia ghaze, God bizir aghuiba a bagh dar amuam. <sup>2</sup> Ezi Abraham bizir a midorozimin iniziba, a bar a da tuirazi, da 10plan pozibar otifi, ezi a pozir mam isa Melkisedek ganingi. (Ia nighnigh, Melkisedeghin ziamin mingarim a kamakin, Arazir Aghuibar Atrivim. Egha a uaghan Salemin atrivim, ezi an ziar kam in mingarim kamakin, Navir Amirizimin Atrivim.) <sup>3</sup> Ezi Godin Akinafarimin aven, me Melkisedeghin ameboghfeziabar ziaba osirizir puvati, egha an ovavitamin ziam osirizir puvati. Egha uaghan amebam a batezir dughiam ko an ovever dughiam me da osirizir puvati. A Godin Otarimin

---

† **6:20:** Azeniba bar aruer vamiran dughiar vamiran Israelian ofa gamir gumazibar dapanim ingangarir ekiam mam iti. An asizibar ghuzim inigh, egh arazir kuraba gin amangisi Godin Purirpenimin Bar Anogoroghezir Danganimin aven mangam. Danganir kam, God uabi an aven iti. Ni Ofa Gamir Akinafarim sapta 16, ko Hibrun Akinafarim 9:1-7in gan. E fo, datirighin Iesus guizin Ofa Gamir Gumazibar Dapanimin oto. Egha Godin Dipenir an Nguibamin itimin a gumamazibar arazir kuraba a givasa ingangarim gami. Ni Hibru 4:14 ko 8:2in gan. **7:1:** Jenesis 14:17-20 **7:3:** Sng 110:4 **7:3:** Onger Akaba 110:4

min ikia Ofa Gamir Gumazimın ikia mamaghıra iti.\*

<sup>4</sup> Ia Melkisedeghin kam ginighnigh, a ziar bar ekiam iti! En inazir afeziar faragha zuim Abraham bizir a midorozimın iniziba, a bar a da tuirazi, da 10plan pozibar otifi, ezi a pozir mam isa Melkisedek ganingi. <sup>5</sup> E fo, Livain ovaviba me Godın ofa gamir gumazibar otifi. Ezi Moses Osirizir Araziba ghaze, Israelian gumaziba, me uan biziba 10plan pozibar da tuiraghti, Livain gumaziba me da pozitam iniam. Livaiba me uaghan Israelian marasi. Egha me uaghan Abrahamın ovaviba. Ezi Israelia uan biziba tuiragha maba isa uan marazigh aningizi me da ini. <sup>6</sup> Melkisedek a Livain adarazir ovavimın otozir puvati. Ezi Abraham uan biziba tuirazi, da 10plan pozibar otozi, Melkisedek a da pozir mam ini. Egha Melkisedek, bagha God ko miġia ghaze, God bizir aghuiba a bagh dar amuam. Gumazir kam Abraham, a Godın akar dikirizim ini. <sup>7</sup> E kamaghın fo, gumazim God ko miġia ghaze, God bizir aghuiba gumazir igharazim damuam, a gumazir bar ekiam. Ezi bizir aghuiba iniamin gumazim, an an apengan iti. <sup>8</sup> Ezi Livaiba me Israelian 10plan poz-

---

\* **7:3:** Melkisedek ameboghfeziaba puvatizir akamın mingarim kamakin, Godın Akinafarimın an ameboghfeziabar migirigiatam itir puvati. Ezi an amebam a batezir dughiam ko an aremezir dughiam, Godın Akinafarimın aven migirigiatam itir puvati. Kamaghın amizi, gumazir Hibrun Akinafarim osirizim ghaze, Iesus ofa gamir gumazimın ikia zurara mamaghıra iti, ezi Melkisedek purama an ababanim gami. **7:4:** Stt 14:20 **7:4:** Jenesis 14:20 **7:5:** Nam 18:21 **7:5:** Diboboniba 18:21 **7:8:** Hi 5:6, 6:20 **7:8:** Hibru 5:6; 6:20

ibar arizir bizibar akuar maba isi, kar gumazir ovengamiba. Ezi Melkisedekra, gumazir Abrahamin bizir akuaba inizim, Godin Akinafarim ghaze, an ovever akatam itir puvati, a ikivira ikiam. <sup>9</sup> E kamaghin mikim suam, Livai uabi, gumazir Israelian 10plan pozibar arighizir bizir akuaba inizim, a uaghan Abrahamin ovavimin ikia, egha a tuavir kamın uan bizir akuaba isa Melkisedek ganingi. <sup>10</sup> Guizbangira, Livai tighar otivamin dughiamin, a uan ovavim Abrahamin mikarzimın aven iti. Ezi Melkisedek tuavimin Abraham batozi Abraham bizir kaba isa Melkisedek ganingi. Kamaghira e mikim suam, Livai uaghan uan biziba isa Melkisedek ganingi.

*Ofa Gamir Gumazibar Dapanir igiam, a fomira itir Godin ofa gamir gumazibagh afira*

<sup>11</sup> Fomira Israelian gumazamiziba, Moses Osirizir Araziba ini, ezi arazir kam kamaghin migei, Livain gumaziba Godin ofa gamir ingangarim damu. Eghti Livain gumazibar ofa gamir ingangarim, a gumazamizibar amuti me bar deraghvira ikiti, manmaghsua God ghaze, ofa gamir gumazir igharazim gin otivam? A Melkisedeghin min ikiva, Aronin min ikian kogham. <sup>12</sup> Eghti Godin ofa gamir gumazibar araziba iragh igharagh otivtima, eghti Moses Osirizir Araziba uaghan iragh igharagh otivam. <sup>13</sup> Ezi en Ekiam, gumazir Godin Akinafarim gun mikemezim, an anabar igharazimin gumazim. Ezi an anabamin adarazir tav dughiatamin Godin ofa gamir ingangarim

gamizir puvati. <sup>14</sup> Ezi e bar fo, en Ekiam a Judan anabamın adarazir aven oto. Ezi Moses ofa gamir gumazibar ingangarim miğia, anabar kamın adaraziv kemezir puvati.

<sup>15</sup> Ezi ofa gamir gumazir igharazim otozi e an gari, a Melkisedeghin miraram oto. Egh e kamaghın deraghvira fogham, a Livain ofa gamir gumaziba bar me gafira. <sup>16</sup> Gumazir kam ofa gamir gumazimın oto, me nguazir kamın arazibar gin ghua an anabam ginighnigha ingangarir kam a ganingizir pu. Puvati. An ikirimirir aghuimın gavgavim zurara ikiti bizitam a gasighasighan kogham. Gavgavir kam a gamizima a ofa gamir gumazimın oto. <sup>17</sup> E fo, Godın Akınafarim kamaghın miğia ghaze:

“Ni ofa gamir gumazimın iki mamaghıra ikiam.

Ni Melkisedeghin mın ofa gamir gumazimın ikiam.”

<sup>18-19</sup> Kamaghın e fo, arazir ghurir kam, gavgav-iba puvatigha egha a deragha en akurvazir puvati. Egha a bizitam gamima a derazir puvati. Kamaghın amizi, God anegifa. Egha God datirighın tuavir bar aghuir mam kui. Tuavir kamra kara, e bizir aghuir e fogha iniamiba bagha mizuai. Ezi tuavir kam Moses Osirizir Arazibagh afira. E tuavir kamın mangi Godın boroghıra mangam.

**7:14:** Stt 49:10, Ais 11:1, Mt 2:6, MAA 5:5  
Aisaia 11:1; Matyu 2:6; Akar Mogomem 5:5

**7:14:** Jenesis 49:10;  
**7:17:** Sng 110:4, Hi  
**7:18-19:** Rom 8:3;

Galesia 2:16; 4:9; Efesus 2:18; Hibru 9:9

20 Ezi uaghan, dughiar God gumazir kam amisevezi an ofa gamir gumazimin otozim, a pura anemisevezir puvati. A uabi uan ziam dibora ghaze, bar guizbangira, egha anemisefe. Ezi me ofa gamir gumazir igharaziba amisivasa, gumazitam uan akam gavgavim ganiga Godin ziam diborozir puvati. 21 God uabi guizbangira mikemezi, tuavir kamin Iesus ofa gamir gumazimin oto. God kamaghin mikeme:

“Ekiam bar guizbangira mikemegha  
akar dikirizim gamua ghaze,  
'Ni ofa gamir gumazimin iki  
mamaghira ikiam,'  
egh uan nighnizim giraghan kogham.”

22 Godin akar dikirizir kam kamaghin en akazi e fo, Iesus Akar Dikirizir Gavgavir kam deragh an ganiva a damighti, a guizbangiram otogham. E fo, Akar Dikirizir Gavgavir kam a bar deragha, Akar Dikirizir Gavgavir Ghurim gafira.

23 Fomira, gumazir avirim Godin ofa gamir gumazibar otifi. Egha me ariaghira, egha uan ingangarim gamir puvati. Bizir kam bagha, gumazir aviriba ofa gamir gumazibar otifi. 24 Ezi Iesus angamira ikia mamaghira ikiavira iti. Kamaghin a Godin ofa gamir ingangarim gamua mamaghira ikiavira iti. Eghti tav an min ofa gamir gumazimin otoghan kogham. 25 An angamira ikia mamaghira

7:21: Sng 110:4, Hi 5:6      7:21: Onger Akaba 110:4; Hibru 5:6

7:22: Hi 8:6, 12:24      7:22: Hibru 8:6; 12:24      7:25: Ro 8:34, 1 Ti 2:5, Hi 9:24, 1 Jo 2:1      7:25: Rom 8:34; 1 Timoti 2:5; Hibru 9:24; 1 Jon 2:1

ikia egha gumazamiziba bagha Godin azangsi. An ingangarimin tuavimin a me inigha Godin boroghira zui. Kamaghin, datirighin ko zurara, a men akurvaghham.

<sup>26</sup> Guizbangira, Ofa Gamir Gumazibar Dapanir kam e bagha ingara bar deravira en akurvasi. A God ifongezir arazibara, dar gin zui. Egha arazir kuratam an itir puvati. A Godin damazimin bar zue. Ezi God a isa uan Nguibam bar pin aneti, ezi an arazir kurabagh amir gumazamizibar saghon iti. <sup>27</sup> Fomira ofa gamir gumazibar dapanir igharaziba, me dughiabar zurara ofabagh ami. Me faragha uan arazir kuraba gin amangasa ofabagh ami. Egha gin me gumazamizibar arazir kuraba gin amangasa ofabagh ami. Ezi Iesus kamaghin amir pu. Bar puvati. A dughiar bar vamiran, e bagha uan mikarzim isa ofan min God ganigha egha aremegha gifa. <sup>28</sup> E fo, me Moses Osirizir Arazibar gin ghua, gumazir gavgaviba puvatiziba amisevima me ofa gamir gumazibar dapanibar otifi. Ezi God akar dikirizim gamua uan ziam dibora ghaze, bar guizbangira, egha uan Otarim amisefe. Akar dikirizir kam, a Moses Osirizir Arazibar dughiamin gin otogha dagh afira. Ezi Ofa Gamir Gumazibar Dapanir kam, a gumazir bar aghuim. Egha an en akurvaghamin gumazir bar faraghavira zuimin oto. Egh a iki mamaghira ikiam.

---

**7:26:** Ef 1:20, Hi 3:1, 4:15, 8:1      **7:26:** Efesus 1:20; Hibru 3:1; 4:15; 8:1      **7:27:** Wkp 9:7, Ro 6:10, Hi 5:3, 9:12      **7:27:** Ofa Gami 9:7; Rom 6:10; Hibru 5:3; 9:12      **7:28:** Hi 2:10, 5:1-2, 5:9      **7:28:** Hibru 5:1-2; 5:9

## 8

*Iesus, en Ofa Gamir Gumazibar Dapanim, a Godin Nguibamın iti*

<sup>1</sup> Ezi miğiriğiar e amizir kam, an mingarim kamakin, e Ofa Gamir Gumazibar Dapanir mam iti, a Godin Nguibamın ikia Godin atrivir dabirabimın agharir guvim gaperaghav iti. <sup>2</sup> Egha an Anogoroghezir Danganımın ikia Ofa Gamir Gumazibar Dapanımın ingangarim gami, danganir kam a guizbangıra Godin Purirpenim, dipenir gumaziba ingarizir puvatızim, Ekiam uabi an ingari.

<sup>3</sup> E fo, ofa gamir gumazibar dapaniba bar, me asıziba ko biziba isi ofa damuasa me amısefe. Kamaghın amizi, en Ofa Gamir Gumazibar Dapanir kam, a uaghan bizitam isi ofan mın God danıngam. <sup>4</sup> Nguazir kamın ofa gamir gumaziba, me Moses Osirizir Arazibar gın ghua biziba isava ofan mın God ganıdi. Kamaghın amizi, Iesus ti nguazımın ikiai, an ofa gamir gumazımın ikian koghai. Ezi puvatı, a Godin Nguibamın iti. <sup>5</sup> Ezi me nguazımın ikia ofa gamir ingangarim gamima ingangarir kam guizbangıra Godin Nguibamın itir ingangarımın nedazim ko ababanım gami. Arazir kam uaghan Moses bato. A Godin Purirpenımın ingarasava amima, God kamaghın a miğei, “Ni Purirpenımın ingarsi, ni miğhsıamın ikia ganizir

---

**8:1:** Sng 110:1, Ef 1:20, Kl 3:1, Hi 1:3, 3:1, 10:12, 12:2    **8:1:** Onger Akaba 110:1; Efesus 1:20; Kolosi 3:1; Hibru 1:3; 3:1; 10:12; 12:2

**8:3:** Ef 5:2, Hi 5:1, 9:14    **8:3:** Efesus 5:2; Hibru 5:1; 9:14    **8:5:** Kis 25:40, Nam 8:4, Ap 7:44, Kl 2:17, Hi 9:23    **8:5:** Ua Me Ini 25:40; Diboboniba 8:4; Aposel 7:44; Kolosi 2:17; Hibru 9:23

ababanimra, an gın mangı deragh an ingar.”<sup>6</sup> Ezi Iesus ofa gamir ingangarim inizıma, an ingangarim nguazımın itir ofa gamir gumazıbar ingangaribagh afıra. God, Akar Dikirizir Gavgavir faragha zuım, Israelia ganıgha akar mabar kırı. Egha gın Akar Dikirizir Gavgavir ıgharazım gamua egha akar bar aghuıbar kırı, ezi akar dikirizir kam, Akar Dikirizir Gavgavir faragha zuım bar a gafıra. Kamaghın amızı, Iesus God ko gumazamizıbar abuir gumazımın ikiava Akar Dikirizir Gavgavir Igiam gavgavım a ganıngı. Ezi an Akar Dikirizir Gavgavir Ghurım gafıra.

*Akar Dikirizir Gavgavir Igiam, Akar Dikirizir Gavgavir Ghurım bar a gafıra*

<sup>7</sup> Ezi Akar Dikirizir Gavgavir faragha zuım, a ti derazi God Akar Dikirizir Gavgavir Igiam gamıghan koghai.

<sup>8</sup> Egha God uan gumazamizıbar arazir kuraba aghurıgha kamaghın mıgei:

“Kı ıan Ekıam,  
egha kı kamaghın ia mıgei.

Dughıam a ızıtı,  
kı Israelia ko Judaba, me ko Akar Dikirizir Gavgavir Igiam damuam.

<sup>9</sup> Eghtı Akar Dikirizir Gavgavir Igiam,  
kı fomıra men ovavir afeziaba ko amızir Akar Dikirizir Gavgavım,  
an an mın mangan kogham.

Fomıra itir dughıam,

---

**8:6:** 2 Ko 3:6-9, Hi 7:22, 9:15    **8:6:** 2 Korin 3:6-9; Hibru 7:22; 9:15    **8:7:** Hi 7:11, 7:18    **8:7:** Hibru 7:11; 7:18    **8:8:** Jeremaia 31:31-34

ki uan dafarimin men suigha me inigha Isipin  
 kantri ategha azenan ize,  
 egha ki men pamin min itima  
 me nan amuimin min iti.  
 Egha me Akar Dikirizir Gavgavir Ghurir kam  
 abiki.

- 10 Ki ian Ekiam, egha ki kamaghin ia migei,  
 gin izamin dughiam otoghti,  
 ki Israel ko Akar Dikirizir Gavgavim  
 damighti,  
 eghti a kamaghin mangam:

Ki uan araziba men nighnizibar arigh,  
 egh da isi men navir averiabar da osiram.

Egh ki men Godin ikitima  
 me nan gumazamizibar ikiam.

- 11 Dughiar kamın gumazamiziba vaghvagh uan  
 namakaba ko uan adarazir sure damuan  
 kogh suam,  
 ‘Ia Ekiam gifogh.’  
 Puvati.

Me bar moghira na gifogham,  
 gumazamizir kiniba ko ziaba itir gumamaz-  
 iba.

- 12 Eghti ki men apangkuvigh  
 men arazir kuraba gin amangiva,  
 egh ua dagh nighnighan kogham.”

13 Akar Dikirizir Gavgavir Igiar kam, God an  
 gun migia egha maghira Akar Dikirizir Gavgavir  
 faragha zuim gamizima a ghurigha bar gifa. E fo,

---

**8:10:** Sek 8:8, Hi 10:16    **8:10:** Sekaraia 8:8; Hibru 10:16    **8:11:**  
 Ais 54:13, Jo 6:45, 1 Jo 2:27    **8:11:** Aisaia 54:13; Jon 6:45; 1 Jon  
 2:27    **8:12:** Ro 11:27, Hi 10:17    **8:12:** Rom 11:27; Hibru 10:17

bitam ghurighiva a bar dughiar otevimin ikegh bar givagham.

## 9

*Ofa gamir gumazibar dapaniba fomira asizibar ghuzibar ofabagh ami*

<sup>1</sup> E fo, God Akar Dikirizir Gavgavir faragha itim, Israelia ganiga Godin ziam fer araziba sara me ganingi. Egha ghaze, me Godin Dipenir gumaziba ingarizimin aven an ziam fam. <sup>2</sup> Me Godin Purirpenir mamın ingarizi danganir pumuning an iti. Purirpenir kamın aven itir danganir me faragha aven mangamim, a lamın aghorim ko bret itir dakozir Godin damazimin itimin iti. Danganir kam me kamagh a dibori, “Anogoroghezir Danganim.” <sup>3</sup> Egha me inir bar ekiam, birimin min Anogoroghezir Danganimin girakirangin anegura. Ezi inir kamın girakirangin danganir igharazir mam uaghan iti, me kamagh a dibori, “Bar Anogoroghezir Danganim.” <sup>4</sup> Ezi danganir kamın aven bizir kaba iti: Pauran mughuriar aghuim tuamin ofa gamir dakozim, me gol an pogha a noke, ko Godin Akar Dikirizir Gavgavimin Boksiam. Boksiam me gol an poghava a noke. Egha Boksiamın aven me golin minner manan daghem itim a gati. Egha me Aron fomira suirazir asadivir aghorim a gati, asadivir

---

**9:1:** Kis 26:1-30    **9:1:** Ua Me Ini 26:1-30    **9:2:** Kis 25:23-40, 26:1-30    **9:2:** Ua Me Ini 25:23-40; 26:1-30    **9:3:** Kis 26:31-33  
**9:3:** Ua Me Ini 26:31-33    **9:4:** Kis 16:33, 25:10-16, 30:1-6, Nam 17:8-10, Lo 10:3-5    **9:4:** Ua Me Ini 16:33; 25:10-16; 30:1-6; Diboboniba 17:8-10; Godin Araziba 10:3-5

aghorir kam ghuziba an oto. Egha me Dagiar Godin Akar Dikirizir Gavgavimın Osizirim itimning, me uaghan aning Boksia kam gati.\* <sup>5</sup> Ezi Boksia kamın asuam, a danganir gumazamizibar arazir kuraba gın amadim. Ezi enselin mın garir bizimning Boksiam gisın ikia, egha aningın avıziba an asuam avara. Bizir kamning Godin danganimın ababanım gamua ghaze, God gumazamiziba ko iti. Ezi datirighın ki bizir kabar mingariba bar dar gun mikemeghan kogham.

<sup>6</sup> Me kamagh bizibar ingarigha egha dughiba bar ofa gamir gumaziba Godin Purirpenimın azenan itir danganimın aven ghua uan ingan garibagh ami. <sup>7</sup> Ezi ofa gamir gumazibar dapanım uabıra Bar Anogoroghezir Danganimın aven zui. Azeniba vaghvagha, a dughiar vamıran aven zui. Egha a purama aven zuir puvati. An asızibar ghuziba inigha aven zui. Egha ghuzir kamın a uan arazir kuraba gın amangasa ofa gamua, egha gumazamizir deragha nighnızir puvatizibar arazir kuraba, da gın amangasa ofabagh ami. <sup>8</sup> Ezi Godin Duam arazir kamın bizir mam en aka, Godin Purirpenimın azenan itir danganim ikiavıra itima, ezi tuavir e Bar Anogoroghezir

---

\* **9:4:** Daghem mana, kar God fomıra Israelian gumazamizir nguazir kinimın aruızibagh aningizir daghem. Ni Ua Me Ini sapta 16 ko Onger Akaba sapta 78:24ın gan. **9:5:** Kis 25:18 **9:5:** Ua Me Ini 25:17-18 **9:6:** Nam 18:2-6 **9:6:** Diboboniba 18:2-6 **9:7:** Kis 30:10, Wkp 16:2-34, Hi 5:3, 7:27 **9:7:** Ua Me Ini 30:10; Ofa Gami 16:2-34; Hibru 5:3; 7:27 **9:8:** Jo 14:6, Hi 10:19-20 **9:8:** Jon 14:6; Hibru 10:19-20

Danganimın aven mangamim an en piri.† <sup>9</sup> Godın Purirpenimın eghaghanir kam, a bizir datirighin e bativamibar ababanim gami. Purirpenir kamın aven, me asıziba ko bizir guar bar avirir aghuiba ofabar mın God ganiga egha an ziam fe. Ezi bizir kaba bar gumazir Godın ziam febar navir averi-atam akirighan kogham, eghti me kamaghin fogh suam, me arazir kuraba pu. Bar puvati. <sup>10</sup> Bizir Godın ofa gamir kaba, da dagheba apir arazim ko dipaba apir arazim ko arazir avirir gumazibar amuti me zueghamin arazimra. Da inivafizimın bizibara. God ofa gamir arazir kaba gumazibagh aningizi, me dar gin zui, eghti God gin bar moghira bizibar kirighti bizir igiaba otivam.

*Krais uabi uan ghuzim isava ofa gami*

<sup>11</sup> Ezi datirighin Krais otogha gifa, egha bizir aghuir otivigha givazibar Ofa Gamir Gumazibar Dapanimın iti. A Purirpenir aghuir kamın aven ghua e bagha ingari. Purirpenir kam Purirpenir faragha ikezim bar a gafira. Gumazitam dipenir kam uan dafarimningin an ingarizir puvati. Bar guizbangira kar nguazir kamın bizim puvati. <sup>12</sup> Ezi Krais bulmakaun apurim ko memen ghuzitam inigha egha Bar Anogoroghezir Danganimın aven ghuzir pu. Puvati. A uabi uan ghuzim isa ofa

---

† **9:8:** Grighin akam deragha akar kaba abigha dar gun mikemezir puvati. **9:9:** Ga 3:21, Hi 7:18-19, 10:1-2 **9:9:** Hibru 7:18-19; 10:1-2 **9:10:** Wkp 11:2, 11:25, 15:18, Nam 19:7, 19:11-13, Ef 2:15, Kl 2:16, 2:20, Hi 7:16 **9:10:** Ofa Gami 11:2; 11:25; 15:18; Diboboniba 19:7; 19:11-13; Efesus 2:15; Kolosi 2:16; 2:20 **9:11:** Hi 3:1, 8:2, 10:1 **9:11:** Hibru 3:1; 8:2; 10:1 **9:12:** Dan 9:24, Hi 9:26, 10:4, 1 Pi 1:19 **9:12:** Hibru 9:26; 10:4; 1 Pita 1:19

gamigha dughiar vamiran danganir kamın aven ghu. Egha en akurazi, e ikirimirir aghuarir zurara itim ini. <sup>13</sup> E fo, gumamaziziba Godın damazimın mizeghtıma, ofa gamir gumaziba memen ghuzim ko bulmakaun apurimın ghuzim ko bulmakaun nguzir aborozir bar isizimın sirim inigh, gumamazizibagh isın a kavkinam. Me kamaghın damightı, arazir kam Godın damazimın mizezir araziba batueghtı gumamaziziba ua zuegham. <sup>14</sup> Ezi Kraısın ghuzim asızibar ghuzim bar a gafıra! Kraıs arazir kuratamın osımtızitam an itir pu. Bar puvatı. Godın Duar zurara itimın gavgavimın, a ofan mın uabi isa God ganıngi. Kamaghın amizi, an ghuzim en inivafızibarama amizi da zuezir pu. Puvatı. A en navir averiamın aven itir arazir kuraba ağıvazi, e kamaghın fo, e Godın damazimın bar zuegha iti. Kamaghın amizi, e ua arazir ghurir angamıra itir puvatızir kabar gın mangan kogham, egh e Godın zurara angamıra itimın ingangarım damuam.

*Kraısın ghuzim, Akar Dikirızir Gavgavir Igiam gavgavim a ganıngi*

<sup>15</sup> Kraısın ghuzim e gamizıma e Godın damazimın bar zue. Egha an aremegha gumamazizibagh ivezegha men arazir kurar me Akar Dikirızir Gavgavir faragha ikezimın

---

**9:13:** Wkp 16:3, 16:14-16, Nam 19:9, 19:17-19, Hi 10:4 **9:13:** Ofa Gami 16:3; 16:14-16; Diboboniba 19:9; 19:17-19; Hibru 10:4 **9:14:** Ro 6:13, 6:22, Ef 5:2, Ta 2:14, Hi 6:1, 1 Pi 1:18-19, 1 Jo 1:7 **9:14:** Rom 6:13; 6:22; Efesus 5:2; Taitus 2:14; Hibru 6:1; 1 Pita 1:18-19; 1 Jon 1:7 **9:15:** Ro 5:6, 1 Ti 2:5, Hi 3:1, 7:22, 8:6, 1 Pi 3:18 **9:15:** Rom 5:6; 1 Timoti 2:5; Hibru 3:1; 7:22; 8:6; 1 Pita 3:18

dughiamin amiziba, da gin amada. Kamaghin, Iesus Akar Dikirizir Gavgavir Igiar kam gavgavim a ganiga egha an abuir gumazimin iti. Kamaghin amizi, gumazamizir Godin dimdiam baregha an gin zuiba, me God fomira uan boribar aningasa mikemezir ikirimirir kam iniam. God kamaghin akam akira ghaze, me zurazurara ikivira ikiam.

<sup>16</sup> Gumazim nighnigh suam, a gin aremegham, egh suam gumazir manam an biziba iniam, egh an akinafarim osirigham. Kar mati an Akar Dikirizir Gavgavim. Eghti borim Akar Dikirizir Gavgavir kamın gin mangi, egh afeziam a gin-abazir biziba iniam. Eghti gumaziba deragh fogh suam, afeziam aremegha gifa, egh me biziba bar an borimin tegham. <sup>17</sup> E fo, gumazir akam akirizir kam angamira ikivira ikiti, an Akar Dikirizir Gavgavim pura iki ingangariba puvatigham. Eghti gumazir kam aremegham, eghti Akar Dikirizir Gavgavir kam gavgavim iki daghem otogham. <sup>18</sup> Ezi kamaghira, me asizim misoghezi an aremezi, me an ghuzim inge, egha tuavir kamra Akar Dikirizir Gavgavir faragha ikezim gamizima, a gavgafi. <sup>19</sup> Dughiar kamın, Moses faragha Godin Akar Gavgaviba, bar dar gun gumazamizibav keme. Akar kaba, da Moses Osirizir Arazibar aven iti. Egha a gin bulmakaun apuribar ghuzim ko memebbar ghuzim inigha dipam sara da vere. Egha a, isopin temer agharir me benir aghevimin ikezim, benir kam me sipsipin arizibar an ingari, Moses

---

**9:17:** Ga 3:15    **9:17:** Galesia 3:15    **9:18:** Kis 24:6    **9:18:** Ua Me Ini 24:6    **9:19:** Kis 24:3-8, Wkp 14:4-7, 16:14-15    **9:19:** Ua Me Ini 24:3-8; Ofa Gami 14:4-7; 16:14-15    **9:19:** Ua Me Ini 24:6-8

a inigha ghuzim gati. Egha an anesigha temer agharir kamın ghuzir muziarim inigha Akar Gavgavimın itir Akinafarim ko gumamaziziba bar me gisın a kavamadi. <sup>20</sup> Egha a kamaghın miğei, “Kar ghuzir Akar Dikirizir Gavgavir kam gavgavim a daningamim. God Akar Gavgavim ia ganiga ghaze, ia Akar Dikirizir Gavgavir kamın gın mangi.” <sup>21</sup> Kamaghira Moses ghuzir muziarim inigha Godın Purirpenim ko Godın ziam fer bizibagh isın a kavamadi. <sup>22</sup> Guizbangıra, e ti kamagh mikim suam, Moses Osirizir Araziba ghaze, ghuzimra bizibar amighti, da Godın damazimın bar zuegham. Eghti me bizitam misuegh an ghuzim inigh a ingeghan koghti, God gumamazizibar arazir kuraba gın amadaghan kogham.

*Krais arazir kuraba gın amangasa, uabıra uabın ofa gami*

<sup>23</sup> Ezi bizir Godın Purirpenimın itir kaba, da pura Godın Nguibamın itir bizibar ababaniba. Ezi me asizir ghuziba isa a dagh amima da zuegha Godın damazimın zue. Eghti Godın Nguibamın itir bizibar amighti da guizın zueghsi, ofan bar aghuim iki, asizibar ofabagh afiragham. <sup>24</sup> E fo, Krais gumaziba uan dafaribar ingarizir Anogoroghezir Danganimın aven ghuzir pu, danganir kam, a pura guizın Godın Dipenimın abanim. Puvati. A guizbangıra Godın Nguibamın

---

**9:20:** Kis 24:8, Mt 26:28      **9:20:** Ua Me Ini 24:8; Matyu 26:28  
**9:21:** Kis 29:12, 29:36, Wkp 8:15, 8:19      **9:21:** Ua Me Ini 29:12; 29:36; Ofa Gami 8:15; 8:19      **9:22:** Wkp 17:11, Ef 1:7      **9:22:** Ofa Gami 17:11; Efesus 1:7      **9:23:** Hi 8:5, 10:1      **9:23:** Hibru 8:5; 10:1  
**9:24:** Ro 8:34, Hi 6:20, 8:2, 1 Jo 2:1      **9:24:** Rom 8:34; Hibru 6:20; 8:2; 1 Jon 2:1

aven ghu. Egha datirighin an e bagha God ko mikimasa, Godin damazimin tughav ikia en akurvasi. <sup>25</sup> E fo, azeniba bar, Ofa Gamir Gumazibar Dapanim asizibar ghuziba isa egha Bar Anogoroghezir Danganimin aven zui. Ezi Iesus kamagh amizir puvati, a Godin Nguibamin ghugha ofan min uabi uabi isa God ganingi. Egha a dughiar aviribar a gamizir puvati. <sup>26</sup> A dughiar aviribar kamaghin damuvira iki, egh a dughiar aviribar mizaziba ini mamaghira ikiam, dughiar God nguazir kamın ingarizimin ikegha iza datirikin. Ezi puvati. Datirighin dughiar abuanamin Kraiss dughiar bar vamiran nguazimin ize, egha gumamazibar arazir kuraba gin aman-gasa ofan min uabira uabi isa God ganingi.

<sup>27</sup> Gumaziba bar dughiar vamiran ovegh egh gin Godin kotiamin otivam. <sup>28</sup> Kamaghira, Kraiss gumazir aviribar arazir kurabar osimtiziba at-erasa, dughiar vamiran ofan min uabi isa God ganigha areme. Egh gin a dughiar namba 2in ua izam, egh dughiar kamın an arazir kuraba gin amangisi izan kogham. Puvati. A gumazir a mizua itiba guizbangira men akurvagh me iniam.

## 10

---

**9:26:** 1 Ko 10:11, Ga 4:4, Hi 7:27, 9:12, 1 Pi 3:18      **9:26:** 1 Korin 10:11; Galesia 4:4; Hibru 7:27; 9:12; 1 Pita 3:18      **9:27:** Stt 3:19, Sav 3:20, Ais 53:12, 2 Ko 5:10, Fl 3:20, 2 Ti 4:8, Hi 10:10, 1 Pi 2:24, MAA 20:12-13      **9:27:** Jenesis 3:19; Fofozir Gumazim 3:20; Aisaia 53:12; 2 Korin 5:10; Filipai 3:20; 2 Timoti 4:8; Akar Mogomem 20:12-13  
**9:28:** Ais 53:12, Ro 6:10, Ta 2:13, 1 Pi 2:24, 2 Pi 3:12, 1 Jo 3:5      **9:28:** Aisaia 53:12; Rom 6:10; Taitus 2:13; 1 Pita 2:24; 2 Pita 3:12; 1 Jon 3:5

*Ofan me fomira amiba, da arazir kuraba gin amadir puvati*

<sup>1</sup> Moses Osirizir Arazibar aven, e pura guizin bizir gin otivamibar ababaniba ko nedazibar gari. Ezi a guizbangin deravira bizir kabar en akazir puvati. Moses Osirizir Araziba ghaze, me ofan kamaghin garibara, zurara azeniba bar dar amu. Kamaghin amizi, e fo, gumazamizir Godin boroghin zuiba, Moses Osirizir Arazibar gin mangi ofan kabar amighti, ofan kaba me akirighti, me deraghviram otoghan kogham. Puvati. <sup>2</sup> Ezi ofan kamaghin garim gumazamizibagh amizi me bar zuegha, uam ofabagh amuan koghai. Egha asizibar ofan vamirama, God bagha ingarir gumazibagh amizi me zuegha, uan navir averiabar aven ua kamaghin nighnighan koghai, e arazir kuraba iti. <sup>3</sup> Ezi puvati. Azenibar zurara, asizibar ofan kaba me gamima me ua uan arazir kurabagh nighnisi. <sup>4</sup> Bizir kamın mingarim kamakın: bulmakaun apuriba ko memen ghuziba, da arazir kuraba gin amadaghan kogham. Bar puvati.

<sup>5</sup> Ezi bizir kam bagha, Kraiss nguazir kamın izasava amir dughiamın a kamaghin God migia ghaze:

“Ni guizbangira, asizibar ghuziba ko bizir ofan min me ni ganidiba,

---

**10:1:** Kl 2:17, Hi 8:5, 9:9-11, 9:23, 10:4    **10:1:** Kolosi 2:17; Hibru 8:5; 9:9-11; 9:23; 10:4    **10:3:** Wkp 16:21, Hi 9:7    **10:3:** Ofa Gami 16:21; Hibru 9:7    **10:4:** Mai 6:6-7, Hi 9:13, 10:11    **10:4:** Maika 6:6-7; Hibru 9:13; 10:11    **10:5:** Ais 1:11, Amo 5:21-22    **10:5:** Aisaia 1:11; Amos 5:21-22    **10:5:** Onger Akaba 40:6-8

ni bizir kabagh ifongezir puvatigha  
da inian aghua.

Kamaghin ni mikarzir mam na daningasa an  
ingari.

<sup>6</sup> Ofan bar isia mighiriba ko,  
arazir kuraba gin amadir ofaba,  
da ni gamima ni dar agorogem itir puvati.

<sup>7</sup> Ezi ki kamaghin migei,  
'God, kira kara.

Moses fomira nan gun Akinafarir  
righizimin aven osirizi moghin.

Datirighin ki izegha gifa,  
egha nin ifongiamin gin mangasava ami.'"

<sup>8</sup> A faragha ofabav gei, ofan kaba, Moses Osirizir  
Arazibar amuasa mikeme. A kamaghin migei, "Ni  
asizibar ghuziba ko, bizir me ofan min ni ganidiba  
ko, ofan bar isia mighiriba ko, arazir kuraba gin  
amadir ofaba, ni bar dagh ifongezir puvatigha  
da inian aghua." <sup>9</sup> Egha a gin kamaghin migei,  
"God, kira kara. Datirighin ki izegha gifa, egha  
nin ifongiamin gin mangasava ami." Kamaghin  
amizi God ghaze, ofa gamir arazir ghuriba, da  
gavgaviba puvatigha, gifa. Ezi ofa gamir arazir  
igiam, an danganim inigha gavgavim ikia ingari.

<sup>10</sup> Krais Iesus a Godin ifongiamin gin ghua, egha  
dughiar bar vamera uabi uan mikarzim isa ofan  
min en arazir kuraba bagha God ganingi. Ezi  
arazir kamın an e gamizi, e Godin damazimin  
zuegha an gumazamizibar otifi.

*Kraisin ofa, a guizbangira arazir kuraba gin amangam*

<sup>11</sup> Godin ofa gamir gumaziba bar, me zurara tuiyava ofabagh ami. Egha me ofan magh gariba, dughiar aviribar dagh ami. Ezi ofan kaba, da arazir kuratam gin amadaghan kogham. <sup>12</sup> Ezi Krais arazir kuraba gin amangasa uabi uan mikarzim dughiar vamiran a isa ofan min God ganingi. An ofan kamın gavgavim ikivira iki ingar mangivira ikiam. A kamaghın amigha gıvagha, Godin agharir guvimin amadaghan aperaghav ikia mamaghira iti. <sup>13</sup> Egha a, God an apaniba isi an apengan darıghamin dughiam bagha mızua iti. <sup>14</sup> A ofan vamira gamua egha tuavir kamın gumamazir Godin damazimin zueziba, a me akirizi me bar deraviram oto, egh iki mamaghira ikiam.

<sup>15</sup> Ezi Godin Duam uaghan bizir kamın gun e mikeme:

<sup>16</sup> “Ekiam kamaghın miğia ghaze,  
 ‘Gin izamin dughiam otoghti,  
 ki Israelia ko Akar Dikirizir Gavgavim  
 damighti,  
 eghti a kamaghın mangam:  
 Ki uan araziba men nighnizibar arıgh,  
 egh da isi men navir averiabar da osiram.  
 Egh ki men Godin ikitıma  
 me nan gumamazibar ikiam.’”

---

**10:11:** Kis 29:38, Nam 28:3, Hi 7:27, 10:4    **10:11:** Ua Me Ini 29:38; Diboboniba 28:3; Hibru 7:27; 10:4    **10:12:** Kl 3:1, Hi 1:3    **10:12:** Kolosi 3:1; Hibru 1:3    **10:12:** Onger Akaba 110:1    **10:13:** Ap 2:35, 1 Ko 15:25, Hi 1:3    **10:13:** Aposel 2:35; 1 Korin 15:25  
**10:16:** Jer 31:33, Hi 8:10    **10:16:** Jeremaia 31:33; Hibru 8:10

17 Egha gın a ua ghaze:

“Ki men arazir kuraba gın amadagh  
ua dagh nighnighan kogham.”

18 E kamaghın ganigha fo, God arazir kuraba gın amadazi, kamaghın uam arazir kuraba gın amangamin ofaba, da ua ingangariba puvati.

*E guizbangıra nighnızir gavgavim ikıva egh  
Godın boroghıra mangam*

19 Kamaghın amızı, nan adarasi, Iesusın ghuzim en arazir kuraba gın amadagha gıfa. Egh tuavir kamın e Bar Anogoroghezir Danganımın aven mangı egh atiatingan kogham. <sup>20</sup> Iesus aremegha ua angamıra iti, an e bagha tuavir igiar kam kui, tuavir ikia mamaghıra itim. A tuavir kamın inir ekiar kamın girakırangın ghua danganir kamın aven ghu, inir kam a danganir kamın tiar akamın mın guraghav iti. Ezi inir kam, a mati an mikarzimın ovevemra. Eghtı e tuavir kamın danganir kamın aven mangam.\*

---

**10:17:** Jer 31:34, Hi 8:12      **10:17:** Jeremaia 31:34; Hibru 8:12

**10:19:** Ro 5:2, Ef 2:18, 3:12, Hi 4:16, 9:8, 9:12      **10:19:** Rom 5:2; Efesus 2:18; 3:12; Hibru 4:16; 9:8      **10:20:** Mt 27:51, Jo 10:9, 14:6, Hi 9:3, 9:8      **10:20:** Matyu 27:51; Jon 10:9; 14:6; Hibru 9:3;

9:8      \* **10:20:** Bar Anogoroghezir Danganir kam, kar God uabi itir danganım. Fomıra ofa gamir gumazibar dapanımra danganir kamın an an aven zui. Ezi datırighın Iesus amızir ingangarımın, e bar moghıra Godın boroghın mangam. Kamaghın amızı, me Iesusın mikarzim abıghızı a ter ıghuvımın ovengezi, inir ekiar Bar Anogoroghezir Danganımın itiar akam itim tongıra bighiaghırigha akuar pumuning oto. Ni Mak 15:38ın gan.

21 E Ofa Gamir Gumazibar Dapanim iti, ezi a Godin gumazamiziba bar men gara me gati. 22 A uan ghuzim isa en navir averiaba dav kinizi an e akirizi, e kamaghin fo, e arazir kuraba puvatigha Godin damazimin bar zue. Egha a dipar bar dikiriamin en mikarziba rue. Kamaghin amizi, ifavarir arazir en navir averiabar itiba, e bar ada ateghiva, okam nighnighan kogh nighnizir gavgavim Godin iki, egh an boroghin mangam. 23 E fo, bizir God ingarasa akam akiriziba, a bar guizbangira dar ingaram. Kamaghin amizi, e uan nighnizir gavgavibar gun migia ghaze, bizir aghuir e fogha iniamiba bagha mizua iti. Egh e uan nighnizir gavgavimin suiragh bar gavgavigham. 24 E vaghvagh Godin gumazamizir igharazibagh nighnighiva, me damuti men naviba dikavti, me igharaz darazigh ifuegh, arazir aghuibar me damuam. 25 Ezi e Godin gumazamiziba, e uari akuvir arazim ataghiraghan kogham, mati gumazamizir maba ami mokin. Kamaghin marki. E fo, Dughiar Ekiam Gumazamiziba Tuisighamim, a roghira izi. Kamaghin amizi, e vaghvagh pamtem ingariva, igharaz darazir akurvagh egh gavgavim me daningam.

*E Godin Otarim akirim ragh a gasan kogham*

---

**10:21:** 1 Ti 3:15, Hi 4:14      **10:21:** Hibru 4:14      **10:22:** Wkp 8:30, Ese 36:25, Ef 3:12, 5:26, Hi 9:14, Je 1:6, 1 Jo 3:21      **10:22:** Ofa Gami 8:30; Esekiel 36:25; Efesus 3:12; 5:26; Hibru 9:14; Jems 1:6; 1 Jon 3:21      **10:23:** 1 Te 5:24, 2 Te 3:3, Hi 4:14, 11:11      **10:23:** 1 Tesalonika 5:24; 2 Tesalonika 3:3; Hibru 4:14; 11:11      **10:25:** Ro 13:11, Fl 4:5, Hi 3:13, 2 Pi 3:9-11, 3:14      **10:25:** Rom 13:11; Filipai 4:5; Hibru 3:13; 2 Pita 3:9-11; 3:14

26 Ia oragh. E guizin akam gifogh a inigh, egh gin mikim suam, marki, egh uan ifongiabar gin mangi arazir kurabar amuvira ikiam, eghti kamaghin ua ofa damuamin tuavir igharaziba puvatigham. 27 Ezi bizir e damuamin mam kamaghin iti: E atiatir kuram damuva Godin Kotiamin Dughiam ko, avir bar puvira isim mizuamam. Avir kam Godin apanibar isi me gasighasigham. 28 E fo, gumazitam Moses Osirizir Arazitam baraghan aghuaghham, eghti gumazir pumuning o pumuning ko mikezim ganigh egh an gun mikemegham, eghti me an apanguvan marki, me a misueghti an aremegh. 29 Ia manmaghin gumazir akirim ragha Godin Otarim gasarazim ginighnisi? Gumazir kam a bar osimtizir ekiam iniam. Egh an ivezir kuram, gumazir Moses Osirizir Araziba batoghezimin ivezir kuram, bar a gafiraghham. Kraisin ghuzim Akar Dikirizir Gavgavir Ighiam gamima a gavgafi. Ezi ghuzir kam gumazir kam gamizima a zuegha Godin gumazimin oto. Egha datirighin gumazir kam a Kraisin ghuzim migia ghaze, a pura bizim. Egha a, Godin Duar apanguvim en itim, an tiragha akaba a gasi. 30 Ezi e fo, God kamaghin mikeme, "Arazir kuraba ikarvaghamin ingangarim, ka nan

---

**10:26:** Nam 15:30, Hi 6:4-8, 2 Pi 2:20-21    **10:26:** Diboboniba 15:30; Hibru 6:4-8; 2 Pita 2:20-21    **10:27:** Ais 26:11, Hi 12:29  
**10:27:** Aisaia 26:11; Hibru 12:29    **10:28:** Lo 17:6, 19:15, Jo 8:17, 2 Ko 13:1    **10:28:** Godin Araziba 17:6; 19:15; Jon 8:17; 2 Korin 13:1    **10:29:** Kis 24:8, 1 Ko 11:29, Ef 4:30, Hi 12:25, 13:20    **10:29:** Ua Me Ini 24:8; 1 Korin 11:29; Efesus 4:30; Hibru 12:25    **10:30:** Lo 32:35-36, Sng 50:4, 135:14, Ro 12:19    **10:30:** Godin Araziba 32:35-36; Onger Akaba 50:4; 135:14; Rom 12:19

bizim. Ki uabi men arazir kuraba ikarvagh egh izevir kuraba me daningam.” Egha ua kamaghin migei, “Ekiam uabi uan gumamazibar araziba tuisigham.” <sup>31</sup> Kamaghin, Godin ikia mamaghira itim, a tavin suiragh izevir kuram a daningam, eghti gumazir kam guizbangiram atiatingam.

*E nighnizir gavgavimın suiragh gavgavigham*

<sup>32</sup> Ia dughiar faragha ghuzim uam a ginighnigh, dughiar ia Akar Aghuimın angazangarim inigha nighnizir gavgavimın an itim. Dughiar kamın me osimtızir ekiaba ia garizima, ezi ia mızazir avırıba ini. Egha ia tuivigha gavgavizi osimtızir kaba ia dikabirazir puvati. <sup>33</sup> Ezi dughiar maba me gumamazibar damazibar ia afima ia tuivav iti, ezi me dibovir akabar ia mığia egha paza ia gami. Egha dughiar mabar osimtızir kamagh garıba aterir gumazıba, ia men puegha me ko iti. <sup>34</sup> Egha dughiar me ian marazi isa kalabus gatizim, ia men kuarkuva deravıra me gami. Ezi dughiar me ian bizıba suiragha inigha ghuzıba, pura men gara bar akuegha iti. Ia kamaghın guizbangıra fo, ian bizir ia gın iniamıba Godın Nguıbamın ia mızua ikia mamaghıra iti.

<sup>35</sup> Kamaghın, ia arazir aghuir ia faragha amizıbagh nighnigh, uan nighnizir gavgavir kam de-

---

**10:31:** Lu 12:5    **10:31:** Luk 12:5    **10:32:** Ga 3:4, Fl 1:29-30, Kl 2:1, Hi 6:4    **10:32:** Galesia 3:4; Filipai 1:29-30; Kolosi 2:1; Hibru 6:4    **10:33:** 1 Ko 4:9, Fl 1:7, 4:14, 1 Te 2:14    **10:33:** 1 Korin 4:9; Filipai 1:7; 4:14; 1 Tesalonika 2:14    **10:34:** Mt 6:20, 19:21, 19:29, Lu 12:38, Ap 5:41, Fl 1:7, Je 1:2    **10:34:** Matyu 6:20; 19:21; 19:29; Luk 12:38; Aposel 5:41; Filipai 1:7; Jems 1:2    **10:35:** Mt 5:12, 10:32  
**10:35:** Matyu 5:12; 10:32

ragh an suiragh, egh bizir kinimîn mîn puram a makunan marki. Egh ia kamaghîn damuva ivezir aghuir ekiam iniam. <sup>36</sup> Ia Godin ifongiamîn gîn mangîva, egh bizir aghuir a fomîra ia danîngasa akam akîriziba, ia da inisi, tuivigh gavgavigh iki. <sup>37</sup> Guizbangîra, Godin Akînafarim kamaghîn mikeme:

“Dughiar bar ovezimîn  
gumazir izamim,  
a izam.

A bar zuamîra izegham.

<sup>38</sup> Ezi nan damazimîn derazir gumaziba,  
me nîghnîzir gavgavim nan iki,  
kamaghîn me angamîra ikîvîra ikiam.

Eghti men tav uan nîghnîzir gavgavim ategh  
akîrim ragh na gasaraghti,  
ki a gakueghan kogham.”

<sup>39</sup> Ezi eia, e gumazamizir akîrim ragh God gasaragh ovengamiba pu. Bar puvati. E nîghnîzir gavgavim Godin iki ikîrimîrir aghuarir zurara itim iniamiba.

## **E nîghnîzir gavgavim Godin ikîva tugh gavgavigham**

# 11

*(Sapta 11--13)*

---

**10:36:** Lu 21:19, Ga 6:9, Kl 3:24, Hi 6:12, 9:15, 12:1    **10:36:** Luk 21:19; Galesia 6:9; Kolosi 3:24; Hibru 9:15; 12:1    **10:37:** 2 Pi 3:9  
**10:37:** 2 Pita 3:9    **10:37:** Habakuk 2:3-4    **10:38:** Ro 1:17, Ga 3:11    **10:38:** Rom 1:17; Galesia 3:11    **10:39:** 1 Te 5:9, 2 Te 2:14, 2 Pi 2:20-21    **10:39:** 1 Tesalonika 5:9; 2 Tesalonika 2:14; 2 Pita 2:20-21

*Nighnizir gavgavimın mingarim*

<sup>1</sup> Nighnizir gavgavimın arazim a kamakin. E guizbangira kamaghın fo, bizir aghuir God e daningasa mikemezi e zuai itiba, e guizbangira da iniam. Egha e bar fo, bizir en damaziba ganizir puvatiziba, da guizbangira gin otivam. <sup>2</sup> Gumazir fomira itiba, me nighnizir gavgavim Godin iti, ezi God me gakuegha, gumazir aghuiba me garisi.

<sup>3</sup> E nighnizir gavgavim ikia, egha e fo, God uan akamin overiam ko nguazim ingarizi da otifi. Ezi kamaghın, e garir biziba, God bizir e ganighan koghamiba, bar dar ingari.

*Abel ko Enok ko Noa, me nighnizir gavgavim Godin iti*

<sup>4</sup> Abel nighnizir gavgavim Godin ikia, egha bizir kam bagha Godin ofa gami. An ofa Godin damazim bar deragha, Keinın ofa gafira. Abel nighnizir gavgavim Godin iti, ezi bizir kam bagha God Abelin bizir aghuir an a ganidim bagha ifonge. Ezi bizir kam kamaghın en aka, God a miġia ghaze, a gumazir aghuim. Abel an aremegha gifa. Ezi an nighnizir gavgavir kam, datirighın an akamin gun e miġiavira iti.

<sup>5</sup> Ezi Enok uaghan nighnizir gavgavim Godin iti. Ezi bizir kam bagha God a inigha uan Nguibamin ghuavanabozi an aremezir puvati. Ezi gumazamiziba a buria, an apizir Puvati, God a inigha

---

**11:1:** Ro 8:24-25, 2 Ko 4:18, 5:7    **11:1:** Rom 8:24-25; 2 Korin 4:18; 5:7    **11:3:** Stt 1:1, Sng 33:6, 33:9, Jo 1:3, 2 Pi 3:5    **11:3:** Jenesis 1:1; Onger Akaba 33:6; 33:9; Jon 1:3; 2 Pita 3:5    **11:4:** Stt 4:3-10, Hi 12:24, 1 Jo 3:12    **11:4:** Jenesis 4:3-10; Hibru 12:24; 1 Jon 3:12  
**11:5:** Stt 5:21-24    **11:5:** Jenesis 5:21-24

ghuavanabo. Godin Akinafarim ghaze, God tighar Enok iniamin dughiamin, an araziba bar Godin damazimin derazi an a bagha bar akonge. <sup>6</sup> Ezi gumazir nighnizir gavgavim Godin itir puvatizim, a Godin ifongiamin gin mangan koghti an a bagh bar akongeghan kogham. Guizbangira, gumazir Godin boroghira mangasava amim, a nighnizir gavgavim kamaghin iki, God a iti. Egh a nighnizir gavgavim kamaghin iki, God deravira gumazimizir a buribagh ami.

<sup>7</sup> Ezi Noa uaghan kamaghira nighnizir gavgavim Godin iti. Ezi God bizir gin otivamibar gun a mikeme. Kar bizir Noa tighar ganamiba. Egha a nighnizir gavgavim Godin akamin ikia, egha bizir kam bagha a kurir mamın ingari. Egha uan amuiroghboriba ko, me kurimin aven ghuezi, bizitam me gasighasizir puvatizi, me deravira iti. Ezi Noan nighnizir gavgavir kam, a nguazimin itir gumazimizir igharaziba bar, men arazir kuraba da aghurigha azenim gati. Noa nighnizir gavgavim Godin itima, God bizir kamın a migia ghaze, a nan damazimin bar gumazir aghuim. Ezi God bar gumazir nighnizir gavgavim an itiba, a bar kamaghira me gami.

*Abraham ko Sara nighnizir gavgavim Godin iti*

<sup>8</sup> Ezi uaghan Abraham nighnizir gavgavim Godin iti. Egha bizir kam bagha God an diazir dughiamin, Abraham Godin akamin gin ghua, egha uan nguibam ataki. Egha a nguibar God

---

**11:7:** Stt 6:13-22, 7:1, Ro 3:22, 4:13, 1 Pi 3:20      **11:7:** Jenesis 6:13-22; 7:1; Rom 3:22; 4:13; 1 Pita 3:20      **11:8:** Stt 12:1-5, Ap 7:2-4

**11:8:** Jenesis 12:1-5; Aposel 7:2-4

a daningasa akam akirizimın ghu, kar guizın an nguibamra. Ezi Abraham fozir puvati, a managh mangam. Egha a nighnızir gavgavim ikia egha a zui. <sup>9</sup> A nighnızir gavgavim ikia ghua nguazir kamın apera, nguazir God fomıra a daningasa akam akirizim. Egha a nguazir kam gaperagha mati nguibar igharazimın gumazim. A Purirpenim gaperaghav iti, moghın Aisak ko Jekop uaghan uan purirpenibagh apiaghav iti, gumazir kamning God nguazir kam gıñghıgha egha uaghan akar kam aning bagha anekiri. <sup>10</sup> Abraham zurara nighnızir gavgavim ikia nguibar ekiar gavgavıgha itir kamın ganasa mızua iti. Nguibar ekiar kam, God uabıra tuavir an ingaramibagh nıghnıgha, egha uabi an ingari.\*

<sup>11</sup> Ezi Sara uaghan nighnızir gavgavim Godın iti. A guizbangın bar ghurıgha boritam batan kogham. Egha a nighnızir gavgavim iti. Egha borim batamin gavgavim ini. Sara kamaghın nıghnısi, “God na mıgıa ghaze, ‘Ni boritam batam,’ egha akam kiri. Ki fo, God guizbangıra mıkememe.”

<sup>12</sup> Kamaghın, gumazir kam Abraham a ghurıgha egha aremeghasava ami, egha an ovavir borir avırıbar afeziamın oto. Ezi an ovavıba otıva

**11:9:** Stt 12:8, 13:3, 13:18, 18:1, 18:9, 26:3, 35:12, 35:27, Hi 6:17

**11:9:** Jenesis 12:8; 13:3; 13:18; 18:1; 18:9; 26:3; 35:12; 35:27; Hibru 6:17 **11:10:** Hi 3:4, 13:14, MAA 21:2, 21:10 **11:10:** Hibru 3:4;

13:14; Akar Mogomem 21:2; 21:10 \* **11:10:** Nguibar ekiar kam Jerusalem, a Godın Nguibamın iti. Ni Hibru 12:2ın gan egh fogh.

**11:11:** Stt 17:19, 18:11-14, 21:2, Ro 4:21, Hi 10:23 **11:11:** Jenesis 17:19; 18:11-14; 21:2; Rom 4:21; Hibru 10:23 **11:12:** Stt 15:5,

22:17, 32:12, Lo 10:22, Ro 4:18-19 **11:12:** Jenesis 15:5; 22:17; 32:12; Godın Arazıba 10:22; Rom 4:18-19

bar aviraseme, mati overiamin mikoveziba, o ongarimin dadarimin gigiba. Gumazitam da mengiva avegham.

<sup>13</sup> Ezi gumazir kaba me nighnizir gavgavim Godin ikia ghua me ovengezir dughiamin tu. Ezi dughiar me nguazimin itim, me bizir aghuir God me daningasa akam akiriziba, da inizir pu. Puvati. Egha me tuivigha, mati bizir men saghuiamin itibar gari, egha bar akuegha dar gari. Egha aghumsizir puvatigha kamaghin migei, “E nguazir kam in ikia, mati kantrin igharazimin gumazamiziba, egha iza dughiar otevimin nguazir kam in iti.”

<sup>14</sup> E fo, gumazamizir kamaghin migeiba, me guizbangira kamaghin migia ghaze, me uari bagh nguibatam buriam. <sup>15</sup> Egha me nguazir tegha izezir kamra bagha nighnighavira ikia, egha me uam an ghueghai. <sup>16</sup> Egha me uan nguazir ghurim ginighnizir pu. Puvati. Me nguazir igharazir ini-asava amim, a bar deragha nguazir me ataghizim bar a gafira. A Godin Nguibamra. God me bagha nguibar kam akirizi a iti, eghti me an ikiam. Egha gumazir kaba kamaghin God migia ghaze, “Ni en God.” Ezi, God men akar mikemezir kam in aghumsighizir puvati.

<sup>17-18</sup> Ezi God kamaghin Abraham ko akam akira ghaze, “Aisakrama nin ovavir boriba otivam.” Egha dughiar God Abrahamin nighnizir gavgavim

---

**11:13:** Stt 23:4, 1 Sto 29:15, Sng 39:12, 1 Pi 1:17, 2:11      **11:13:** Jenesis 23:4; 1 Eghaghaniba 29:15; Onger Akaba 39:12; 1 Pita 2:11  
**11:16:** Kis 3:6, 3:15, Mk 12:26, Ap 7:32, Fl 3:20, Hi 13:14      **11:16:** Ua Me Ini 3:6; 3:15; Mak 12:26; Aposel 7:32; Filipai 3:20; Hibru 13:14  
**11:17-18:** Stt 21:12, 22:1-14, Ro 9:7, Je 2:21-22      **11:17-18:** Jenesis 21:12; 22:1-14; Rom 9:7; Jems 2:21-22

tuisighamimin, a kamaghin Abraham migei, “Ni uan otarir vamira misueghiva egh ofan min a isi God daningigh.” Ezi Abraham nighnizir gavgavim Godin ikia, egha Aisak isa God daningasava ami. <sup>19</sup> Abraham kamaghin nighnisi, “Aisak aremeghti, God uam a damighti a ua dikavigham.” Ezi bar guizbangira, e bizir otozir kam, akar isin zuimin kamaghin a mikimam, Abraham Aisak ua mozim in a inis.

*Aisak ko Jekop ko Josep nighnizir gavgavim Godin iti*

<sup>20</sup> Kamaghira Aisak nighnizir gavgavim Godin ikia egha Jekop ko Iso ginighnigha akam akira ghaze, God gin izamin dughiabar, deravira gua damuam.

<sup>21</sup> Ezi kamaghira Jekop a nighnizir gavgavim Godin ikia, egha an aremeghasava amir dughiamin, a Josepin otarimning migia ghaze, God deravira gua damu. Egha a uan fidizir zurara suiagha aruim gisin aviragha Godin ziam fe.

<sup>22</sup> Ezi kamaghira Josep nighnizir gavgavim God ikia, egha dughiar an ovengamimin a kamaghin migia ghaze, Israelia gin kantri Isip ategh mangam. Egha me migia ghaze, me manmaghin an kuam damuam.

*Moses nighnizir gavgavim Godin iti*

---

**11:19:** Ro 4:17-21      **11:20:** Stt 27:27-29, 27:39-40      **11:20:** Genesis 27:27-29; 27:39-40      **11:21:** Stt 47:31-48:20      **11:22:** Stt 50:24-25, Kis 13:19      **11:22:** Genesis 50:24-25; Ua Me Ini 13:19

<sup>23</sup> Ezi Mosesin afeziam ko amebam aning nighnizir gavgavim Godin ikia, egha dughiar amebam Moses batezimin, aning an garima a borir bar dirim. Aning atrivimin akam batoghan ati-atingizir puvati, kamaghin amizi, aning iakinir 3plan a modo.

<sup>24</sup> Ezi kamaghira Moses nighnizir gavgavim Godin ikia, egha dughiar a gumazimin otozimin, me kamaghin a diponan an aghua, Isipin Atrivimin guivimin borim. Puvati. <sup>25</sup> A kamaghin nighnisi, a dughiar otevimin agorogem bagh arazir kurabar arazimin gin mangan aghua. Egha a Godin gumazamiziba ko, osimtiziba ko mizaziba iniasa ifonge. <sup>26</sup> A ghaze, a Krais, God Ua E Iniasa Misevezir Gumazimin ziam bangin, me paza a damuti an aghumsizim iniam. Bizir kam a bar bizir ekiam, egha a Isipin dagiaba ko kurukaziba ko biziba bar dagh afira. Egha a ivezir aghuir God gin a daningamim ginighnighavira ikia, egha a tughavim gavgafi.†

---

**11:23:** Kis 1:22, 2:2, Ap 7:20      **11:23:** Ua Me Ini 1:22; 2:2; Apotel 7:20      **11:24:** Kis 2:10-12      **11:24:** Ua Me Ini 2:10-12

**11:26:** Hi 10:34-35, 13:13      **11:26:** Hibru 10:34-35; 13:13

† **11:26:** Migirigiar otevir kam, “Krais,” an mingarim kamakin, “Gumazir God Ua E Iniasa Misevezir Gumazim.” Ezi gumazir Hibrun Akinafarim osirizim a nighnizir pumuning ikia ofa an osiri. An nighnizir farazim kamakin, Israelin gumazamiziba bar God uabi ua bagha me ginaba. A ghaze, Moses aghumsizim ini, egha Godin ingangarim damu, egh Israelian akurvaghim, God gumazamizir kaba me amisevezi, me Kraisin min iti. Ezi an nighnizir mam ua kamakin, Guizbangira Mosesin dughiamin, Krais Iesus otzir puvati. Ezi Moses amizir ingangarir kam, mati a Kraisin ziamrama aghumsizim ini.

27 Egha Moses nighnizir gavgavim Godin ikia egha a dikavigha Isip ataki. Isipin atrivim an aningaghe, ezi an atrivir kamın atiatir puvati. Guizbangira, e gumamaziba uan damazibar Godin garir puvati. Ezi arazir kamra Moses a gami, mati a uan damazimningin Godin gani, egha a bar gavgavigha iti. 28 Ezi Enselin Ovevem Inigha Izim, otarir ivariabav soghasava ami, ezi Moses Enselin arazir kam apırasa, Israelia akam me ganiga ghaze, me sipsipin ghuzim isi uan tiar akaba bar ada aghefegh. Dughiar kamın Moses nighnizir gavgavim Godin ikia, egha arazir kam me ganingi, ezi tuavir kamın God Israelia Gitazir Dughiamın Isar Ekiam gamizi, an oto.

*Israelin aviriba, me pamten nighnizir gavgavim Godin iti*

29 Ezi Israelia me nighnizir gavgavim Godin ikia, egha me Ongarir Aghevım abigha a giregha mati me nguazir misingizimın zui. Ezi Isipba men gin zuima dipam me avarazi me dipam amegha ariaghire.

30 Ezi Israelia me nighnizir gavgavim Godin ikiava, egha me 7plan aruebar Jerikon nguibamın dagiar divazir ekiamın azenan a gighuagha arui. Ezi divazim bar akaraghire.

---

**11:27:** Kis 2:15, 10:28-29, 12:37, 12:51, 14:13, Ro 1:20, 1 Ti 1:17, Hi 11:1, 11:13    **11:27:** Ua Me Ini 2:15; 10:28-29; 12:37; 12:51; 14:13; Rom 1:20; 1 Timoti 1:17; Hibru 11:1    **11:28:** Kis 12:21-30    **11:28:** Ua Me Ini 12:21-30    **11:29:** Kis 14:21-31    **11:29:** Ua Me Ini 14:21-31    **11:30:** Jos 6:12-21    **11:30:** Josua 6:12-21

<sup>31</sup> Ezi gumaziba isava akuir amizir mam, an ziam Rahap, a nighnizir gavgavim Godin ikia, egha gumazir moga garir pumuningin akuragha aning inigha uan dipenimin ghu. Kamaghin amizi, God gumazamizir an akam batogheziba me soghezi, a me ko aremezir puvati.

<sup>32</sup> Ki nighnizir gavgavimin eghaghanir aviriba ia mikemegha gifa, egh datirighin akar manam uam an gun ia mikimam? Ki ti Gideon, Barak, Samson, Jepta, Devit, Samuel ko Godin akam nigha izir gumazibar eghaghanibar amuamin dughiaba puvati. <sup>33</sup> Gumazir kaba me nighnizir gavgavim Godin ikia, egha me Kantrin Igharazibar Gumazamiziba ko misogha bar men midorozir gumaziba dikabini. Me arazir aghuim gamua, egha me bizir God me daningasa akam akiriziba ini. Egha me laionbar akaba dukumi. <sup>34</sup> Egha me avir dafabagh amizi da mungue. Ezi midorozir sababa itir gumaziba me misoghasava amima, me men are. Egha me gavgavir ekiaba puvatigha, gin me gavgavim ini. Egha me midorozir gumazir gavgavibar otivigha, igharaz darazir modorozir gumazibar

---

**11:31:** Jos 2:1-21, 6:22-25, Je 2:25    **11:31:** Josua 2:1-21; 6:22-25; Jems 2:25    **11:32:** Het 4:6-5:31, 6:11-8:32, 11:1-12:7, 13:2-16:31, 1 Sml 1:1-1 Kin 2:11    **11:32:** Gumazir Dapaniba 4:6--5:31; Gumazir Dapaniba 6:11--8:32; Gumazir Dapaniba 11:1--12:7; Gumazir Dapaniba 13:2--16:31; 1 Samuel 1:1--31:13    **11:33:** Het 14:5-6, 1 Sml 17:34-35, 2 Sml 7:11, Dan 6:1-27    **11:33:** Gumazir Dapaniba 14:5-6; 1 Samuel 17:34-35; 2 Samuel 7:11; Daniel 6:1-27  
**11:34:** Het 15:8, 15:15, 1 Kin 19:3, 2 Kin 20:7, Dan 3:1-30    **11:34:** Gumazir Dapaniba 15:8; 15:15; 1 Atriviba 19:3; 2 Atriviba 20:7; Daniel 3:1-30

agintigha me misogha me abini. <sup>35</sup> Ezi gumazir ariaghirezir maba, me ua dikafi, ezi men amiziba ua me ini. Ezi apaniba gumazir maba kalabus gatigha, men mikarzubagh asighasigha ghuav iti, me ariaghire. Men apaniba ghaze, me akirim ragh God gasaragham, eghti me me ateghti me mangam. Ezi me uan apanibar akaba batoke. Me ghaze, me aremegh, ua mozimın dikavigh ikirimirir aghuim iniam. Eghti ikirimirir igiar kam bar deragh nguazir kamın ikirimirim bar a gafiragham. Kamaghın amizi, apaniba me misoghezi, me ariaghire. <sup>36</sup> Ezi apaniba marazi osımtıziba me garıgha dibovir akabar me mıgıa, me fozorogha senbar me ikia, me isa kalabusın me ariki. <sup>37</sup> Apaniba dagıabar marazigh inifi. Ezi marasi, apaniba soba inigha men namnaba abızı me akuabagh iri. Marazi, apaniba midorozir sababar me misozima me ariaghiri. Ezi gumazir nıghnızir gavgavim itir maba, me sipsipın iniba ko memen iniba, me inibar mın da ikegha zui. Egha me onganarazibagh amua ikia biziba bar puvati. Ezi gumaziba osımtıziba ko mızaziba me ganıga paza me gami. <sup>38</sup> Nıghnızir gavgavımın itir gumazir kaba, men araziba bar dera, ezi nguazir kamın gumaziba arazir aghuıbar me damuan fırin, me men ikufi. Kamaghın amizi,

---

**11:35:** 1 Kin 17:17-24, 2 Kin 4:25-37, Ap 22:25    **11:35:** 1 Atriviba 17:17-24; 2 Atriviba 4:25-37    **11:36:** 1 Kin 22:26-27, 2 Sto 18:25-26, Jer 20:2, 37:15, 38:6    **11:36:** 1 Atriviba 22:26-27; 2 Eghaghanıba 18:25-26; Jeremaia 20:2; 37:15; 38:6    **11:37:** 1 Kin 21:13, 2 Kin 1:8, 2 Sto 24:21, Ap 7:58, 14:19    **11:37:** 1 Atriviba 21:13; 2 Atriviba 1:8; 2 Eghaghanıba 24:21; Aposel 7:58; 14:19    **11:38:** 1 Kin 18:4, 19:9    **11:38:** 1 Atriviba 18:4; 19:9

me tintinibar ghua, gumazamiziba puvatizir danganiba ko mighsiabar puram arua, egha dagiar toriba ko nguazimın aven itir mozibar aven iti.

<sup>39</sup> Gumazamizir kaba bar, nighnizir gavgavim Godın iti, egha ziar aghuiba Godın damazimın da ini. Egha me nguazimın itir dughiamın, me bizir aghuir God me daningasa akam akiriziba me da inizir puvati. <sup>40</sup> Me tizim bagha da inizir puvati? God fomıra bizir bar aghuim e bagha anekirizi a ikia bizir faragha itiba bar dagh afira. God kamaghın nighnigha ghaze, gumazamizir faragha itir kaba deragh otogh en faragh mangan an aghua. Puvati. E me ko uari inigh deravıra ikiasa, a ifonge.

## 12

*E Iesusın ganıva, egh nighnizir gavgavimın an ikiam*

<sup>1</sup> Ezi gumazamizir fomıra itiba, me ghuariamın mın e okarigha tuivaghav ikia, egha nighnizir gavgavimın arazim en akakasi. Kamaghın amizi, bizir en tuaviba pirima e uan ivemarim deragha a gamir puvatiziba, ko arazir kurar en suiziba, e bar ada ataghıragham. Egh e naviba gavgavigh egh e ivemarir ekiar God e bagha atizir kamın ivemaram. <sup>2</sup> E Iesusra ganam, an en nighnizir gavgavimın mıngarım, egh an en nighnizir gavgavim

---

**11:40:** Hi 5:9, 7:22, 8:6, MAA 6:11      **11:40:** Hibru 5:9; 7:22; 8:6; Akar Mogomem 6:11      **12:1:** Ro 7:21, 12:12, 1 Ko 9:24-25, Fl 3:13-14, Hi 10:36, 1 Pi 2:1      **12:1:** Rom 7:21; 12:12; 1 Korin 9:24-25; Filipai 3:13-14; Hibru 10:36; 1 Pita 2:1      **12:2:** Fl 2:8, Hi 1:3, 1:13, 1 Pi 1:11, 3:22      **12:2:** Filipai 2:8; Hibru 1:3; 1:13; 1 Pita 1:11; 3:22

damighti, a gin deraghvıram otogham. İesus fo, a bar deravıra Godın akamın gin mangı egh a gin bar deravıra ikıva bar akuegh mamaghıra ikiam. Egha a bizir kam ginıghnıgha gavgavıgha ikia osımtızıba atera ter ıghuvımın ovenge. Gumazamızıba kamaghın nıghnıgha ghaze, gumazir ter ıghuvımın ovengezım, a bar gumazir arazir kurabagh amım, egha aghumsızir ekiam isi. Ezi İesus aghumsızım ginıghnızir puvatıgha, egha areme. Egha datırıghın a Godın agharır guvımın atrıvir dabırabımın aperaghav iti.

*God e akırmıghasa osımtızıba e ganıdı*

<sup>3</sup> İa bar deraghvıra İesus ginıghnıgh. Gumazir arazir kurabagh amıba fomıra bar puvıra İesusın apanım gamı. Ezi a bar tughavı gavgavı. İa bizir kam ginıghnıgh egh tugh gavgavıghı amırvaghan markı, egh uan nıghnızir gavgavım ataghıraghan markı. <sup>4</sup> Guızbangıra, ia arazir kuram abınasa mıdorozım gamı, ezi mıdorozır kamın ian tav ovegha ghuzıtam irezir puvatı. <sup>5-6</sup> God gavgavım ian navıbar anıngasa, ia ganıngızır mıgırıgıaba, ia ti da bakınıghnıghız, o? A ia dıbora ghaze, ia an borıbara, egha ghaze:

“Nan borıba, ia fo,  
gumazamızır Ekiam ifongezıba  
a me akırmısi.

---

**12:3:** Jo 15:20, Ga 6:9    **12:3:** Jon 15:20; Galesia 6:9    **12:4:** 1 Ko 10:13, Hi 10:32-34    **12:4:** 1 Korin 10:13    **12:5-6:** Jop 5:17, Snd 3:11-12    **12:5-6:** Jop 5:17; Onger Akaba 94:12; Aghuzır Akaba 3:11-12; Jems 1:12; Akar Mogomem 3:19

A gumazitam inigh uan borimîn mîn a  
diponiva,  
egh uaghan a fozorogham.

Kamaghîn amizi, Ekiam ni akîrsi bizitam ni  
damighti,  
ni kamaghîn niġnighan marki,  
kar pura bizim.  
Egh ni uaghan osiman marki.”

<sup>7</sup> Ia tuivigh gavgavigh, egh Godin amamangatighti  
a ia akîrmîgh. Osimtîzim ia batoghti ia kam-  
aghîn fogh, mati afeziam uan boribagh amir araz-  
imra, God uaghan ia gami. Borir manatam itima  
an afeziam ti anekîrmîzir pu? Puvati. <sup>8</sup> God  
uan boriba bar da akîrmîsi. A ia akîrmîghan  
koghti, ia fogh, ia guizbangîrama an boriba pu-  
vati. Ia pura tuavimîn otivizir boriba. <sup>9</sup> Ia  
bizir kam ginîghnigh, en afeziar nguazimîn itiba,  
e akîrmîzima e men ziaba fe. Kamaghîn amizi,  
en duabar Afeziam, e bar guizbangîra an apen-  
gan ikîva egh angamîra ikîvîra ikiam. <sup>10</sup> En  
afeziar nguazimîn itiba, dughiar bar otevibar me  
ifongezî moghîn en araziba akîrmîsi. Ezi God kam-  
aghîn niġnîsi, e guizîn an damazimîn zueghavîra  
itir arazimra inigh an mîraram otogham. Ka-  
maghîn amizi, an en akurvaghasa e akîrmîsi.  
<sup>11</sup> Afeziam e akîrmîghasa osimtîzim e ganîngizi,

---

**12:7:** Lo 8:5, 2 Sml 7:14, Snd 13:24, 23:13    **12:7:** Godin Araziba  
8:5; 2 Samuel 7:14; Aghuzir Akaba 13:24; 23:13    **12:8:** Sng 73:15,  
1 Pi 5:9    **12:9:** Sav 12:7, Ais 42:5    **12:9:** Fofozir Gumazim 12:7;  
Aisaia 42:5    **12:10:** Wkp 11:44, 1 Pi 1:15-16    **12:10:** Ofa Gami  
11:44; 1 Pita 1:15-16    **12:11:** Je 3:17-18    **12:11:** Jems 3:17-18

e ghaze, osimtizir kam bar e itarazima e ikia bar akongezir puvati. Egha en navir averiaba bar oseme. Eghti an e akirigh givaghti, dagher aghuir en otivamibara kara: e Godin damazimin arazir aghuibara damuam, eghti en navir averiaba amiragh ikiam.

*E tuivigh gavgavighsi aghariba kinkinam*

<sup>12</sup> Eghti ian aghariba gavgaviba puvatigh egh amiragh ikiti, ia da fegh ingangarim damu. Eghti ian sueba aremegh pura ikiti, <sup>13</sup> ia da inigh tuavir aghuimin daruvira iki. Ia kamaghin damuti ian sueba bar ikuvighan kogham. Puvati, da ua deragham.

<sup>14</sup> Ia, gumazamiziba bar me ko, dabirabir aghuim damuva, navir amirizimin arazim baghiva mighighvira ingar aghariba kinkin. Egh ia uari isi God daningisi, Godin damazimin zuezir arazim bagh mighighvira ingar. Gumazir Godin damazimin zuezir araziba puvatizim, an Ekiamin ganan kogham. <sup>15</sup> Ia bar deraghvira uari bagh gan, ian tav irigh egh ua Godin apangkuvir kam ataghiraghan marki. Eghti ian tav ua temer ovizir misozimin min otogh osimtiziba Kraisin adarazir aningan marki. <sup>16</sup> Egh ian tav poroghamiba uari bakia uari ko akuir arazim damuan marki. Egh tav Iso fomira amizi moghin, akirim ragh God

---

**12:12:** Ais 35:2    **12:13:** Snd 4:26, Ga 6:1    **12:13:** Aghuzir Akaba 4:26; Galesia 6:1    **12:14:** Sng 34:14, Ro 12:18, 2 Ko 7:1, Ef 5:5, 2 Ti 2:22    **12:14:** Onger Akaba 34:14; Rom 12:18; 2 Korin 7:1; Efesus 5:5; 2 Timoti 2:22    **12:15:** Lo 29:18, Ap 8:23, 2 Ko 6:1, Ga 5:4, Hi 3:12    **12:15:** Godin Araziba 29:18; Aposel 8:23; 2 Korin 6:1; Galesia 5:4; Hibru 3:12    **12:16:** Stt 25:29-34    **12:16:** Jenesis 25:29-34

gasan marki. An Aisakin otarir ivariam, egh bizir aghuir aviriba iniam firin, a dagher otevir vamira bagha pura uan bizir aghuiba bar da isa uan dozimin agharim gati. <sup>17</sup> Ia fo, a gin uamategha uan afeziamin bizir aghuir kaba iniasa migei. Ezi God ghaze, puvati. Iso bizir aghuiba iniasa zurarama aziava, egha a navim gighan tuaviba puvati.

*E Godin Nguibamin itir Jerusalemın otogha gifa*

<sup>18</sup> Ia uan dafaribar suighamin biziba ia da bativizir puvati, mati Israelia fomirama ami. Me iza Sainain Mighsiamin boroghın ikia, egha maburan avim ko mitarmer bar pizimin gara aminir bar gavgavim ko, <sup>19</sup> sighamın ararem baragha gumazir mamın tiarim barasi. Gumazamiziba tiarir kam baragha bar atiatigha kamaghın Moses migei, “E uam oraghan aghua.” <sup>20</sup> Ia fo, God Akar Gavgavim me ganingizi, me bar an atiatigha a baraghan aghua. Akar kam kamaghın migei, “Gumazitam o asizitam mighsıar kamın mangı puram an suiragham, eghti ia dagıaba isi a ginivightima an aremegh.” <sup>21</sup> Ezi bizir me ganizir kam me bar an atiatingi, ezi Moses uaghan atiatigha ghaze, “Ki uaghan bar atiatigha egha puvıra nisi.”

<sup>22</sup> Ia bizir kamaghın garitam batozir pu. Puvati. Ia Saionın Mighsıam ko Godın zurara itimın

---

**12:17:** Stt 27:30-40    **12:17:** Jenesis 27:30-40    **12:18:** Ro 6:14, 2 Ti 1:7    **12:18:** Ua Me Ini 19:16-22; 20:18-21; Godın Araziba 4:11-12; 5:22-27    **12:20:** Kis 19:12-13    **12:20:** Ua Me Ini 19:12-13    **12:21:** Kis 19:16, Lo 9:19    **12:21:** Ua Me Ini 19:16; Godın Araziba 9:19    **12:22:** Sng 68:17, Ga 4:26, Fl 3:20, MAA 5:11, 21:2, 21:10    **12:22:** Onger Akaba 68:17; Galesia 4:26; Filipai 3:20; Akar Mogomem 5:11; 21:2; 21:10

nguibar ekiamin otogha gifa, kar Jerusalemin nguibar Godin Nguibamin itim. Egha ia tausen tausenpla enselba batifi, me uari akuvagha bar akuegha iti. <sup>23</sup> Ia Godin borir ivariabar iviriar ekiam batogha gifa, kar Godin Nguibamin itir Akinafarimin ziaba osirigha givazir darasi. Ia Godin kam batogha gifa, a gumazamiziba bar men araziba tuisighamin Jas. Ia, gumazir fomira Godin damazimin bar deragha egha aremegha, deraviram otiviziba, ia men duaba batifi.\* <sup>24</sup> Ia Iesusra bato, an abuir gumazir God ko en tighin itim, egha Akar Dikirizir Gavgavir Igiam gami. Egha ia Iesusin ghuzimin otifi, a fomira Akar Dikirizir Gavgavir Igiar kam gavgavim a daningasa a kavkini. Ezi ghuzir kamra akar aghuim e mikiri, fomira Abelin ghuzim akam akunizi moghin an amir Puvati. Iesusin ghuzim akar bar aghuim akuri, ezi akar kam Abelin ghuzimin akam gafira.

### *E deraghvira uari bagh ganam*

---

**12:23:** Lu 10:20, Fl 4:3, Hi 11:40, MAA 13:8, 14:4      **12:23:** Luk 10:20; Filipai 4:3; Hibru 11:40; Akar Mogomem 13:8; 14:4

\* **12:23:** E fo, Iesus, a Godin borir ivariam. Ni Hibru 1:6in gan. Gumazir Hibrun akinafarim osirizim, dughiar aviribar kamaghin migia ghaze, God bizir aghuiba uan borir ivariabar aningasa. Ni Hibru 6:12 ko 9:15in gan. Judabar arazim kamakin, borir ivariabara uan afeziamin bizir aviriba isi. Ni Hibru 12:16in gan. Akinafarir kam osirizir gumazim kamaghin migia ghaze, God bizir aghuiba uan gumazamizibar aningasa egha me dibora ghaze, “Me Godin borir ivariaba.”      **12:24:** Stt 4:10, Hi 8:6, 10:22, 11:4, 1 Pi 1:2

**12:24:** Jenesis 4:10; Hibru 8:6; 10:22; 11:4; 1 Pita 1:2

25 Ia deraghvira gan, egh ia uan kuaribav kumigh Gumazir Migeimin akam baraghan aghuaghan marki. Fomira nguazir kamın God Akar Gavgavim gumazamizibagh aningi. Ezi me an akam baraghan aghua, egha gin me uan arazir kurabar ivezir kuram gitazir puvati. God datirighin uan Nguibamin ikia egha akar bar gavgavim e ganingi. E akirim ragh a gasaragh egh e uan arazir kuramin ivezir kuram gitaviragham, o? Bar puvati. 26 Fomira itir dughiamin, Godin akam nguazim gamizi mikimkizim an oto. Ezi datirighin a kamaghin akar dikirizim e ganigha ghaze, “Ki ua nguazim damighti mikimkizim an otogham, eghti nguazimra puvati, ki nguazim ko overiam uaghara kamaghram aning damigham.”

27 God dughiatam uam a damuasa mikeme, kamaghin e fo, God nguazim ko overiam ginobaghti mikimkizim aning batoghtima, bizir a ingariziba ua ikian kogham. Eghti bizir akongan koghamiba, darara ikivira ikiam.

28-29 Bizibagh Ativamin Danganir e inizir kam, an akongan kogham. Kamaghin amizi, e danganir kam bagh a minabagham. E fo, en God mati avir puvira bizibagh asighasizim. Kamaghin amizi, e an atiatingiva an apengan iki, egh a minabiva a uabi ifongezir arazimin gin mangi an ziam fam.

**12:25:** Kis 20:22, Hi 2:1-3, 3:17, 10:26-29    **12:25:** Ua Me Ini 20:22; Hibru 2:1-3; 3:17; 10:26-29    **12:26:** Kis 19:18, Sng 68:8, Hag 2:6

**12:26:** Ua Me Ini 19:18; Onger Akaba 68:8; Hagai 2:6    **12:27:** Sng 102:26, Mt 24:35, 2 Pi 3:10, MAA 21:1    **12:27:** Onger Akaba 102:26; Matyu 24:35; 2 Pita 3:10; Akar Mogomem 21:1    **12:28-29:** Godin Araziba 4:24; 9:3; Onger Akaba 50:3; Aisaia 33:14; Hibru 10:27

# 13

## *E vaghvagh igharaz darazigh ifuegham*

<sup>1</sup> Ia Kraisin adarasi, ia vaghvagh uarigh ifongegh mamaghira iki, mati ia uan adarazigh ifongezi mokin. <sup>2</sup> Nguibar igharazibar gumaziba ian bighan izamin dughiabar, ia me inigh uan dipenibar mangisi okinighnighan marki. Ia fo, fomira gumazamizir maba ghaze, me gumazir kiniba isa uan dipenibar ghua egha men gari. Ezi gumazir me inigha izir kaba, me enselba. Me ghaze, me guizin gumazibar gari, ezi puvati, me enselbara gari. <sup>3</sup> Ia Godin gumazamizir kalabusin itibagh nighnigh, mati ia me ko kalabusin iti. Egh ia uaghan gumazir men apaniba paza me gamizibagh nighnigh. Ia fo, ia nguazir kamın ikiavira iti, ezi apaniba uaghan ti arazir kamra ia damuam.

<sup>4</sup> Ia bar kamaghın fogh, gumazim ko amizim uaningin ikia poroghamimningin otozir arazim, a bizir bar aghuim, egha Godin damazimin dera. Ezi ia poroghamiba bar deravira uan arazibar gan. Eghti God gin ivezir kuram isi, gumazamizir uari bakiava akuiba ko afiar arazibagh amir gumazamizibar aningam.

---

**13:1:** Jo 13:34, 1 Te 4:9, 1 Pi 1:22, 2 Pi 1:7, 1 Jo 3:11, 4:7, 4:20    **13:1:** Jon 13:34; 1 Tesalonika 4:9; 1 Pita 1:22; 2 Pita 1:7; 1 Jon 3:11; 4:7; 4:20

**13:2:** Stt 18:1-8, 19:1-3, Mt 25:35, Ro 12:13, 1 Ti 3:2, 1 Pi 4:9    **13:2:** Jenesis 18:1-8; 19:1-3; Matyu 25:35; Rom 12:13; 1 Timoti 3:2; 1 Pita 4:9    **13:3:** Mt 25:36, Ro 12:15, 1 Ko 12:26, Kl 4:18, Hi 10:34, 1 Pi 3:8

**13:3:** Matyu 25:36; Rom 12:15; 1 Korin 12:26; Kolosi 4:18; Hibru 10:34; 1 Pita 3:8    **13:4:** 1 Ko 6:9, Ga 5:19-21, Ef 5:5, Kl 3:5-6, MAA 22:15    **13:4:** 1 Korin 6:9; Galesia 5:19-21; Efesus 5:5; Kolosi 3:5-6; Akar Mogomem 22:15

<sup>5</sup> Ia dagiar aviriba ikisi ifueghan marki. Ia kamaghin nighnigh, bizir ia itiba, da ian tughatizir puvati. Ia fo, God kamaghin e mikemegha gifa:

“Ki ia ateghti  
 bizitam paza ia damuan kogham.  
 Bar puvati.  
 Guizbangira, ki ia ateghan kogham.”

<sup>6</sup> Kamaghin amizi, e gavgavim uan navibar aning egh mikim suam:

“Ekiam nan Akurvazir Gumazim,  
 na ko itima  
 ki atiatir puvati.

Ki fo,  
 gumazamiziba arazitamın na damighan kogham.”

*E Iesusin gin mangisi aghumsighan kogham*

<sup>7</sup> Ia uan siosin gumazamizir dapanibagh nighnigh, me fomira Godin akamin gun ia mikeme. Ia men arazir aghuiba ko men ovevem ginighnigh. Egh men nighnizir gavgavimin arazim, ia uaghan an gin mangi. <sup>8</sup> Kraıs Iesusin arazim, a fomira kamaghira ikia datirighin ikia, egh a gin zurara kamaghira ikiam. <sup>9</sup> Ia Akar

---

**13:5:** Lo 31:6-8, Jos 1:5, Mt 6:25, 6:34, Fl 4:11-12, 1 Ti 6:8    **13:5:** Godin Araziba 31:6-8; Josua 1:5; Matyu 6:25; 6:34; Filipai 4:11-12; 1 Timoti 6:8    **13:6:** Sng 118:6    **13:6:** Onger Akaba 118:6    **13:7:** 1 Ko 4:16, Hi 6:12    **13:7:** 1 Korin 4:16; Hibru 6:12    **13:8:** Jo 8:58, Ef 4:14, Hi 1:12, MAA 1:4    **13:8:** Jon 8:58; Efesus 4:14; Hibru 1:12; Akar Mogomem 1:4    **13:9:** Ro 14:17, Ef 4:14, Kl 2:4, 2:8, 2:16, 1 Ti 4:3    **13:9:** Rom 14:17; Efesus 4:14; Kolosi 2:8; 2:16; 1 Timoti 4:3

Aghuimín mìn zuir puvatízir akar igharaziba ateghti, da ian nighnizibagh asighasighti, ia Godín gín zuir tuavir aghuim ataghiraghan marki. Kamaghín amizi, e Godín apangkuvim amamangatighti a gavgavim en navir averiabar aningam. Dagheba apir arazim gavgavim en navir averiabar aningan kogham. Arazir kam, gumazamizibar darorimín akurvazir puvati.

<sup>10</sup> Ezi e Godín ofa gamir dakozir mam iti. Ezi Judabar Purirpenimín aven ofa gamizir gumaziba, God men anogoroghezima, me ofa gamir dakozir kamín daghebar aman kogham.

<sup>11</sup> Ofa gamir gumazibar dapanim, an asizibar ghuziba inigha Bar Anogoroghezir Danganir kamín aven ghugha, arazir kuraba gín amangasa ofa gami. Egha asizir kabar kuaba inigha gumazamiziba iti naghín azenan ghua saghon da tuema, da isia mighiri. <sup>12</sup> Kamaghira, Iesus uaghan nguibar ekiamín azenan mizazim ini. A ghaze, a uan ghuzimín gumazamizibar amighti me Godín damazimín zuegh egh Godín gumazamizibar otivigham, kamaghín an areme.\*

---

**13:10:** 1 Ko 9:13, 10:18    **13:10:** 1 Korin 9:13; 10:18    **13:11:** Kis 29:14, Wkp 6:30, 16:27, Nam 19:3    **13:11:** Ua Me Ini 29:14; Ofa Gami 6:30; 16:27; Diboboniba 19:3    **13:12:** Mt 21:39, Jo 19:17-18, Ap 7:58    **13:12:** Matyu 21:39; Jon 19:17-18; Aposel 7:58

\* **13:12:** Moses Osirizir Araziba ghaze, gumazamiziba Godín ofa damuasa inigha izir asiziba, ofa gamir gumaziba da api. Me asizir gumazamizibar arazir kuraba gín amangisi, dughiar ekiabar ofa gamiba, me dar aman kogham. Ni Ofa Gami 6:24 ko 24:30 ko 16:27in gan. Datirighín, ofan dughiar ekiar kam, Iesus amizir ofan kam an danganim ini. Ni Hibru 9:7 ko 14in gan.

13 Kamaghin amizi, e uaghan a bagh nguibamin azenan mangiva, egh a inizir aghumsizim e uaghan a iniam.† 14 E fo, nguazir kamın e zurara ikiamin nguibar ekiatam itir puvati. Egha e nguibar gin izamim bagha mızua iti. 15 Kamaghin amizi, e Iesusin ingangarimin tuavimin, e zurara ziar ekiam isi ofan min God daning mamaghira ikiam. Eghti en akatoriba zurara an ziam fi suam, a en Ekiam. 16 Egh ia arazir aghuibar gumazamizibar amu. Me bizitabar oteveghti, ia men akurvaghsi bizitaba me daning. Ofan kamaghin gariba, God bar dagh ifonge. Kamaghin amizi, ia arazir kabar amusi okinighnighan marki.

*God e damuti e deravira ikiam*

17 Ian gumazir dapaniba ian akurvaghasa zurara ian gari. Egh me gin ingangarir me amizibar gun God ko mikimam. Kamaghin amizi, ia men akaba baragh egh men apengan iki. Ia

---

**13:13:** Hi 11:26, 12:2, 1 Pi 4:14    **13:13:** Hibru 11:26; 12:2; 1 Pita 4:14    † **13:13:** Gumazir maba ti, Kraisin gin zuir darazir amighti, me Moses Osirizir Arazibar aven itir dagheba apir arazimin gin mangasa. (Ni ves 9in gan.) Ezi gumazir Hibrun akinafarim osirizim ghaze, Kraisin gin zuir darasi, Judaba itir nguibabar ikian markiam. Me kamaghin nighnighan marki, Moses Osirizir Araziba me damuti, me Godin damazimin zuegham. Puvati. Iesusin ingangarimrama me zuegha gifa. Kamaghin amizi, me a ko ikisi aghumsighan kogh, anarira gin mangam.    **13:14:** Mai 2:10, Fl 3:20, Hi 11:10, 11:16, 12:22    **13:14:** Filipai 3:20; Hibru 11:10; 11:16; 12:22    **13:15:** 2 Sto 29:31, Sng 50:14, 50:23, 69:30-31, Hos 14:2, 1 Pi 2:5    **13:15:** 2 Eghaghaniba 29:31; Onger Akaba 50:14; 50:23; 69:30-31; Hosea 14:2; 1 Pita 2:5    **13:16:** Ro 12:13, Fl 4:18, Hi 6:10    **13:16:** Rom 12:13; Filipai 4:18; Hibru 6:10    **13:17:** Ese 3:17, 1 Te 5:12, 1 Ti 5:17    **13:17:** Esekiel 3:17; 1 Tesalonika 5:12; 1 Timoti 5:17

kamaghin damuti, me bar akuegh uan ingan-  
garim damuam. Ia kamaghin damuan koghti,  
me osimtizim sara ian ganam, eghti bizir kam  
ian akuraghan kogham. <sup>18</sup> Ia e bagh God ko  
mikimvira iki. E kamaghin bar fo, e dughiabar  
zurara arazir aghuibara amuasa bar ifonge. E uan  
araziba bar deravira da tuisigha arazir aghuibar  
gin ghua egha en navir averiaba osimtiziba Godin  
damazimin puvati. <sup>19</sup> Ki mighira ia gakaghoru, ia  
na bagh God ko mikim suam, a nan akuragh na  
amadaghti ki zuamira ia bagh izam.

<sup>20</sup> Ki ia bagha God ko migei, Godin Navir  
Amirizimin Mingarim, a en Ekiam Iesus ovevem  
a gamizi a ua dikafi. Iesus, Sipsipbar Garir Gu-  
mazir Gavgavim Itim, a uabi ofan min aremegha  
uan ghuzimin Akar Dikirizir Gavgavir kam, gav-  
gavim a ganingi, eghti a iki mamaghira ikiam. <sup>21</sup>  
Ezi ki ia bagha Godin kam ko migia kamaghin  
an azangisi, eghti a ian akuragh gavgavim ia  
daningti, ia arazir aghuibar amu, egh an ifon-  
giamin gin mangam. Eghti Kraus Iesusin ingan-  
garimin tuavimin, an en navir averiabar aven  
ingarti, e a ifongezir arazibar amuam. Egh e zu-  
razurara ziar ekiam a daning mamaghira ikiam.  
Bar guizbangira.

### *Akar abuananaba*

**13:18:** Ap 23:1, 24:16, Ro 15:30, 2 Ko 1:12, Kl 4:3      **13:18:** Aposel  
23:1; 24:16; Rom 15:30; 2 Korin 1:12; Kolosi 4:3      **13:20:** Ais 55:3,  
Jer 32:40, Ese 37:26, Sek 9:11, Ro 15:33, 1 Ko 6:14, Hi 10:29, 1 Pi 2:25  
**13:20:** Aisaia 55:3; Jeremaia 32:40; Esekiel 37:26; Sekaraia 9:11;  
Rom 15:33; 1 Korin 6:14; 1 Pita 2:25      **13:21:** Ga 1:5, Fl 2:13, 2 Te  
2:17, 1 Pi 5:10      **13:21:** Galesia 1:5; Filipai 2:13; 2 Tesalonika 2:17;  
1 Pita 5:10

<sup>22</sup> Nan adarasi, akar ki ia bagha osirizir kam, a ruarazir puvati. Kamaghin amizi, ia nimira iki, egh akar ki gavgavim ian navibar aningasa osirizir kam, ia deraviram a baragh. <sup>23</sup> Ki kamaghin ia mikimasa ifonge, me kalabusin en aveghbuam Timoti firizi, a ua kalabusin itir puvati. A zuamira na bagh izeghiva, ga uaghara mangi ian ganam.

<sup>24</sup> Ia uan gumazir dapaniba ko Godin gumazamiziba bar me mikim suam, ki ghaze, God deraghvira me damu. Ezi Kantri Italin itir Kraisin adarazi uaghan ia bagha akam amaga ghaze, God deraghvira ia damu.

<sup>25</sup> Ki kamaghin God ko migia ghaze, Godin apangkuvim a bar moghira ia ko iki.

**Godin Eghaghanim: Akar Gavgavir Dikirizir  
Ghurim ko Igiam**

**The Holy Bible in the Aruamu language of Madang  
Province, Papua New Guinea, 2020 Edition  
Buk Baibel long tokples Aruamu long Madang Provins  
long Niugini long 2020**

copyright © 2020 Pioneer Bible Translators

Language: Aruamu

Translation by: Pioneer Bible Translators

Contributor: The Seed Company

GOD'S STORY in the Aruamu Language of Papua New Guinea

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

---

PDF generated using Haiola and XeLaTeX on 11 Nov 2022 from source files dated 29 Jan 2022

8f6beb37-6783-55d5-91ed-8321cc3f5eea